



1914

棟

禮

拜

六

第十

THE SATURDAY

NO. 11



禮拜六第十一期小說目錄

霧中人面……………瘦鷓

黑室鴛鴦……………天生寄廬

好男兒……………劍秋

此中人語……………指嚴

私塾……………潛時

阿木林……………馬二先生

天半笙歌……………海虞天憤

齊宣王問釜……………慕奇

閩中人語……………是龍

可憐儂……………林寧華魂

惺惺鮑史……………南邨

香草美人……………小蝶



目 次

願着些兒麻上來……

雙 熟

二

小說 霧中人面

(瘦鷗譯)

一年吾搭著輪船「華拉」從紐約駛到利物浦去。搭客中有一位譚亞夫人。出落得着實美麗。那吹彈得破的玉靨彷彿是玫瑰花。兩個蔚藍色的星眸好似毋忘儂花所成的。他雖是生得傾國傾城。却是多愁多病。起先原爲了有病纔出來旅行。不道病魔喜親玉人。薈澤戀戀不捨。路上又生起熱病來。這一場病十分利害。過了幾個禮拜。方始漸漸痊可。正在這當兒。驀地裏有一個消息傳來。送入夫人耳中。說他最親愛的丈夫犯了謀殺案了。夫人雖明知他丈夫斷不會做這勾當。然而人言藉藉。不信又不得不信。不覺歎了一口氣。那謀殺案出在柏恩希司。一時很動人聽聞。不上幾天到處都已知道。被害者名兒喚做哈洛爾。惠爾莫脫。住在約克府一塊荒寒的澤地。柏恩希司邊上一所屋中。雖是小小兒的。沒有幾間。却也幽雅宜人。屋中並沒旁的人。除了他自己。外單有一個下人。每天更有一個婦人。朝來夜去。替他預備食物料理一切瑣事。那「華拉」出發的幾禮拜前。惠爾莫脫的下人爲了父親棄世。請假回去。惠爾莫脫便踽踽涼涼獨自一人住在屋中。那時就盛傳他和住在澤地他端的一個人。喚做華爾透譚亞的。有齟齬的事。他們兩個原是同學。從前在一個書院裏讀書。彼此的交情似冷似熱。似深似淺。一百分中大約在五十分左右。他們的性格原大不相同。

惠爾莫脫陰險聰明天生一副伶俐齒牙譚亞豪爽穎慧天生一副坦白心腸兩人却都是多情種子不約而同的戀了一個又美麗又溫柔的女郎密麗生卡露女郎一雙慧眼早已瞧得親切那一個配做他的如意郎君便立了一個決心一夜在跳舞會裏兩人都向他求婚他竟拒絕了那富的哈洛爾惠爾莫脫允許了那窮的華爾透譚亞惠爾莫脫經過情場一跌如何攔得下去外面雖裝着若無其事心裏早恨得牙癢癢地決意要報這不共戴天的大仇使那譚亞享不了那柔鄉飽福纔肯罷休有一回雨下裏偶然相遇又鬧了起來譚亞說惠爾莫脫是個卑賤的惡徒不齒於人類的惠爾莫脫聽了只是微笑兩個眸子裏却現着兇惡堅決之色密麗生知道兩人意見很深想從中調停言歸於好在兩個深坑上架起橋來後來見沒有效驗也只得聽他們了惠爾莫脫本是一個富家子平日不做甚麼事游手好閒過他的日子譚亞却在一家廠裏充書記做事勤敏頗受信用前途大有飛黃騰達之勢一天廠主和他說股東們要實行減政主義把他辭歇不道第二天就有人來接手後來譚亞纔知道這一回的事實是惠爾莫脫從中攪撥所致不久雖又得了一個職司但是入款不及從前豐富入不敷出一對多情夫婦幾有牛衣對泣之勢加着密麗生又紅蜻蜓似的弱不禁風時多病須得出去換換空氣無奈沒有錢可也沒有法兒想幸而來了一個好機

會原來他有一個閨友是個富家寡婦想要環遊地球願意帶他一同去譚亞同着他愛妻在一塊兒直好似魚兒在水裏如今忽地要做個勞燕分飛如何捨得只是醫生們說夫人必須出遊於病體上大有關係譚亞不得已只得鐵打了心腸放他去密麗生愛他丈夫直同生命原也一百個不願意離開他去後他免不得寂寞怎麼捱這無聊的光陰但是經不得他丈夫和醫生們頻番相勸沒奈何就答應了船兒出發後一路向東而行經過印度和日本到喀利福尼亞和紐約譚亞塊然寂處顧影淒涼一天忽而探得那惠爾莫脫又在那裏設法搖動他的新職司已有些兒頭緒了譚亞怒氣填膺不能再耐這天晚餐後便大踏步向那惠爾莫脫的小屋去到了那邊那個婦人出來開門說密司脫惠爾莫脫正在裏邊只是晚餐後不見客了譚亞不管他三七二十一橫衝直撞的跑了進去停了一會那婦人取咖啡到餐室裏去只見兩人對坐在火爐之前譚亞滿臉現着憤怒之狀那婦人回到廚房裏披了外衣戴了帽兒把後門鎖了預備走前門回去剛走到客廳中聽得他們倆口角的聲音譚亞大呼道你這惡賊奴你若是故故和吾做對頭將來總有一天叫你死在吾手裏那時正在晚上九點鐘時候第二天早上八點鐘那婦人照常到來先進廚房生了火然後入餐室開窗不道剛跨進門去脚兒絆在一件東西上幾何跌了下去低頭一瞧却見一個人躺在

地上一壁呻吟一壁在那裏勸婦人大呼一聲忙去開了窗放進日光來不瞧則已一瞧頭髮根根豎起只見那密司脫譚亞正躺在門裏邊不住的呻吟着右手握着一根挺大的鋼火棒上邊還黏着血和頭髮火爐前的氈上又躺着一人面目糜爛叫人無從辨識只瞧了他的衣服知道是主人婦人驚悸亡魂忙去報了警察警察們到時譚亞已復了知覺那婦人便把昨夜所見所聞陳述了一遍當下裏譚亞就被警察們捉將官裏去一場審過立定死罪那罪狀上說他先和死者口角曾有將來總有一天叫你死在吾手裏的話一時怒氣填膺便舉起那火棒來向死者猛擊死者面目糜爛足見他用力之猛接着他就想溜之乎也事有湊巧恰好絆在火爐前的氈上失足跌在地下頭兒撞了甚麼堅硬的東西暈將過去直至警察到時方始蘇醒鐵案如山還有甚麼話說譚亞力自辨護說他確曾和死者口角但是並不用武停了一刻幕地裏聽得外邊澤地上有呼喊之聲便一同趕將出去趕到門前不知道爲甚麼斗的跌在地上不省人事直等到早上那女管家來時方纔回復知覺在於那人怎麼死的一概都不知道無奈他這一番話人家沒一個信他只得硬着頭皮等死期了密司脫譚亞聽得了這惡消息還有甚麼心緒去旅行即忙趕回來那時他在船上煞是可憐整日價不言不語不哭不笑兩眼直視着前邊一動都不動彷彿心碎的樣子有時在甲板

上也只呆呆的坐在壁角裏。吾若者自稱便上去和他講話。想趁此安慰安慰他。密昔司譚亞把兩個巨眼注着吾說道。那些官中人怎麼如此不解事。吾丈夫是何等人。如何會殺人。那是萬萬沒有的事。那是萬萬沒有的事。吾只安慰了他幾句。喚他不必悲傷。將來自有水落石出之日。吾們一路回去。兩天中天氣很好。第三天上有些兒迷霧。那知道霧漸漸加密起來。船兒非常危險。彷彿包在一件白白的大衣裏。密不通風。好不難受。海裏邊便時有起火沈船的事。鬼哭神號。鬧得不可開交。大霧迷漫了好幾天。好幾夜。不但目不能見。并且耳不能聽。着實難過。幸而一天午時。霧慢慢兒的捲開去了。船上搭客們都大喜過望。在甲板上翹首望天。連那淚枯心碎的密昔司譚亞也微現一絲喜容。大家正在眺望的當兒。忽見遠處有一條黑線。似乎是一艘六十噸的氣船。開足了機向這一邊疾駛而來。這「華拉」船上忙喊轉舵轉舵。不一會那來的船便安然而過。這時大霧初過。淡淡的光從雪中滲將出來。大家猛可裏聽得甲板上。一個婦人的呼聲。破空而起。道呀。他在那邊。他在那邊。人家說被吾丈夫所謀殺的人在那邊。大家聽了。都不知就裏。只見那密昔司譚亞發狂似的。趕去見船長。說道。快停止。那船快停止。那船那人並沒有死。好好兒活着。人家却說吾丈夫謀殺他。不日便要處死。船主請你快停止。那船此時還有一些兒微霧。沒有散盡。那船已駛入霧中而去。密昔

司譚亞竟長。船長之前求他設法。一面說道。吾並沒誤認。那惡很很的面龐。兇暴的眼兒。帶着冷笑樣子的嘴唇。明明是那。人明明。是哈洛爾惠爾莫脫。斷乎沒有錯的。只是他。却沒有瞧見那船的名兒。有一個船員說。是「歐爾王」。那黑色的船身上。漆着白色的字。瞧去。甚是分明。無奈已駛了個不知所往。追也來不及。那船主原是個很仁慈的人。見這密昔司譚亞。怪可憐的。便立刻通電到英美各埠頭。去喚他們留意。歐爾王。汽船。又說明了那惠爾莫脫的容貌體態。俾便截留。吾們到了利物浦。忽忽多日。華爾透譚亞。就刑之期。一天一天的近了。可憐密昔司譚亞。憑着他滿腔熱血。一顆赤心。不辭手胼足胝。舌敝唇焦。想救他的丈夫。今日晉謁大員。明天拜訪法官。一面又上書國王。奔走號呼。設法把那處刑之期。延宕下去。後來竟被他運動到了國王旁邊的秘書官。許他翻案。把哈洛爾惠爾莫脫的尸骸。開棺相驗。驗尸時。他自然也在場。一見了那尸骸。就大呼道。這並不是惠爾莫脫的本身。這並不是惠爾莫脫的本身。你們不見那手麼。惠爾莫脫的手。是瘦長的。右手的小指。略曲。如今這手。却又粗又笨。右手小指也。一些兒不曲。明明不是他。本身從前。許多人都堅說是惠爾莫脫。本身的。如今細細一瞧。也不覺疑惑起來。秘書官知道此中。定有隱情。就下一個命令。把華爾透譚亞。暫緩處刑。重行偵查。一時大家都咄咄稱怪。想那人。豈不是哈洛爾惠爾莫脫。到底是

誰呢。身上怎麼穿着惠爾莫脫的衣服。又怎麼在惠爾莫脫屋中發見。這可不是不可思議麼。虧得不上幾天。那哈洛爾惠爾莫脫已經捕獲解回英倫。於是這不可思議的謀殺案從此大白。惠爾莫脫見隱諱也沒用。便直直截截的供了出來。原來那夜他和譚亞正在口角的時候。猛聽得澤地上起了一種悲慘的呼聲。兩人都跑出去。瞧是甚事。譚亞斗的絆了火爐前的地氈。重重的跌在地上。失了知覺。他却置之不顧。自管跑將出去。只見一個人影像飛鳥般一瞥而過。地下躺着一人。一動都不動。低頭一瞧。見面目已經糜爛。似乎被鐵棒猛擊了幾下。瞧那身材的長短。肥瘦和他不相上下。於是計上心來。借此以報宿仇。拖了那尸骸回到屋中。把自己身上的衣服和一切附屬品。和那人交換。又把那兇器塞在譚亞手中。這殺人之罪。就穩穩卸在譚亞身上。不論醒回來。不醒回來。總蒙着嫌疑。他一面即忙收拾收拾金錢要物。穿了那死人衣服。人不知鬼不覺的悄然而去。究竟做了這忍心事。心裏也懷着鬼胎。到處怕被人察破。廬山真面目。日夜輾轉不安。不久就改了安特路彼得的假名。乘那「歐爾王」汽船潛離英倫。幸而人家沒一個瞧出他是哈洛爾惠爾莫脫來。直至霧散時。冤家狹路相逢。這一個面龐偏偏進了密麗生的眼兒。賈禍不成。自受其禍。可也是天數了。當下宮中就把無辜的菲爾透譚亞釋放。重懲惠爾莫脫。那一對多情夫婦從此益發多情。兩下裏

的情○絲○天○長○地○久○永○永○固○結○不○解○

小說 黑室驚電

(天生奇感)

墨○雲○四○佈○雷○電○交○集○紐○約○郊○外○馬○車○一○輛○輪○轉○蹄○蹄○得○得○時○正○疾○馳○於○途○車○內○坐○夫○婦○二○人○適○在○教○堂○行○結○婚○禮○畢○現○方○往○賃○寓○去○也○

新○郎○握○新○婦○手○探○首○問○御○者○曰○將○至○乎○對○曰○未○也○尚○有○半○里○許○新○郎○復○問○曰○大○雨○前○尚○能○抵○乎○對○曰○余○亦○不○知○也○

猝○然○電○光○一○閃○屋○舍○倏○現○於○眼○前○新○郎○瞥○見○精○舍○三○楹○列○於○其○間○乃○大○悅○告○慰○新○婦○曰○近○矣○不○料○車○衝○石○塔○竟○折○其○輪○二○人○知○不○可○再○乘○遂○將○車○資○付○訖○携○手○步○行○御○者○亦○道○歉○而○去○

時○烏○雲○更○密○雖○咫○尺○間○亦○不○能○辨○甫○及○門○大○雨○傾○盆○下○新○郎○急○急○出○鑰○匙○摸○鎖○穴○啓○扇○入○纒○度○檻○狂○風○復○怒○來○手○未○鬆○鏡○戶○已○碎○然○闔○矣○

室○內○洞○黑○如○漆○新○婦○大○怖○嗻○呼○乾○克○乾○克○則○不○應○但○聞○窗○外○呼○呼○者○風○聲○淅○淅○者○雨○聲○聲○聲○入○耳○俄○而○電○光○閃○耀○空○室○豁○然○新○婦○方○見○新○郎○正○匍○匍○地○上○暗○中○摸○索○遂○大○怒○曰○何○物○湯○姆○竟○以○此○鬼○窟○借○我○擠○作○合○登○所○乎○余○心○惶○惶○不○願○居○此○

新郎慰曰有余在毋恐言次出火柴燃煤汽燈燈不亮再四燃之終如前大奇之忽聞新婦聲顛顛然又大呼曰乾克此何聲耶

新郎細聽之果於室隅有瑟瑟者作響倏起倏止不覺訝曰此何物耶新郎附其耳低聲曰若鳥翼之翕張聲

時外間雨點稍稀雷電亦止新婦喘喘曰此間不可以久留余欲行矣

新郎勸曰外面雨未停點且黑暗莫辨方向不可造次

新婦曰余有雨衣在速借我行

新郎復慰如前曰此或蝙蝠聲勿懼俟余察之

新婦不理竟悻悻然啓戶自去新郎末法乃加鍵從之

行將半昧忽聞前途輪軸聲趨之果馬車也即駕之赴車站時末班火車正將開赴紐約忽忽登甫入座機聲軋軋車已行矣既抵即就旅館宿焉時雷電又作大雨如注二人復私慶幸免於途也翌晨天初明乾克即起身憤憤然赴其表兄湯姆處將與其問罪之師湯姆見之愕然曰清早來此

何幹

乾克叱之曰。余非鍾馗。不能爲汝捉鬼。故乘末班火車歸也。

湯姆曰。咳。其煤汽燈之不得開乎。余室內燈之總鍵。余每出必去之。免洩氣。余固忘以告汝。然會假電話語。汝何汝不之答也。

乾克正色對曰。休糊說。任汝雌黃。余終不信。

湯姆曰。然則汝聞鈴聲乎。

乾克曰。未也。惟聞細聲。瑟瑟。疑是魍魎作祟耳。

湯姆頓足曰。是已。余常恐電話之被人竊聽。故將其裝諸室後臥房。又恐其鈴聲或驚醒睡夢。故將紙團塞其中。故雖響亦不震也。

乾克乃領首笑曰。我儕初以爲蝙蝠。余本尙欲加察。惜海琳不余從此亦佳話也。容當告之時。則一童子持信入。湯姆函剖讀之。愀然顧乾克曰。若閱此。

乾克誦畢。目炯炯曰。汝屋果遭雷擊耶。余不信。竟有此巧事也。

湯姆曰。爾等以何時離屋者。對曰。九時許。湯姆曰。擊時卽在十時。死生間相差只一句鐘。已幸甚。幸甚。

乾克笑曰。然則汝知何物救我。儕之命乎。湯姆登肩曰。此則未知。乾克曰。卽汝蝙蝠叫也。 (不受酬)

俠情 小說 好男兒

(劍秋)

夕陽如血射玻璃窗。幕而入室中。陰森之氣爲之一展。斯時也。乃有一少年軍官。側其首僵臥於雪。色之褥上。血濡濡自肋旁下。噙其齒。不作一呻吟語。旁坐一女子。作看護婦裝束。一手撫創口。一手以白絲巾拭去肋旁之血。且拭且微歎。復時時以首貼少年之面。詢其痛楚狀。少年微搖其首。不答。俄聞槍聲歷歷起自東北。忽遠忽近。少年乃張目問曰。我軍登山矣乎。女子答曰。登山久矣。我軍且追奔逐北也。君其毋慮。少年乃輟然微笑。

此何地。紅十字會之戰地病院也。少年爲誰。著者乃不得不追述其歷史矣。少年姓傅亞俠。其字越郡。良家子。畢業於優級師範。慷慨負奇氣。學問行誼卓絕。時輩旁坐之女子。則女界中盛名鼎鼎之朱婉娘也。二人少同里長同學。及後又同肄業於上海。年旣相若。學業性情又相等。課餘及星期日。時時携手同游。蓋各以未婚夫婦相視矣。旣畢業。兩家父母以二人之才貌。乃天生嘉耦。萬無舍此而別締良緣之理。於是各遣冰上人正式訂婚一段。美滿姻緣。從茲成就。二人之喜可知矣。

婉娘無兄弟。其父母以僅此一女。不忍遣嫁。故亞俠乃入贅焉。成婚後。二人相得甚篤。遊綠水。翫翠翔。赤霄未足彷彿萬一也。亞俠喜吟咏。尤善讀唐人塞上諸作。謂男子當爲甘英傅介子。安能老死於三寸毛錐中。與秋草同腐耶。一夕。二人方於燈下讀。至可憐無定河邊骨。猶是春閨夢裏人。句。亞俠忽正色謂婉娘曰。使我他日戰死。卿當何如。婉娘曰。君非軍人。寧有茲事。亞俠曰。否。方今國勢衰弱。內憂外患。相率迭起。獻計數年之內。必有大亂。屆時吾輩當投筆而起。爲祖國犧牲性命。卿其許我乎。亞俠言時。意氣勃勃。若卽日負劍從軍者。婉娘笑曰。君能如此。有何不許。爾時當爲君祈戰。……亞俠拊掌曰。戰死榮譽也。何諱言之。有婉娘乃一笑而罷。

明年亞俠以友人招。在滬上某校教席。婉娘則於家中設一女校。集女生數十。以破岑寂。遇星期六。亞俠輒歸家一宿。一叙六日來之契闊。蓋滬杭雖相去遠。快車僅半日可達。往返固甚便也。一日亞俠自滬歸。匆匆入門。手報紙一束。謂婉娘曰。吾黨已舉義於廣東矣。電音簡略。成敗不可必。然張督已遁。抵抗者已無能力。吾輩當預備響應。恢復祖國。在此一舉。時哉勿可失也。言次喜躍不已。婉娘曰。張督雖遁。尙有水師提督在。事固未可料也。亞俠默然。翌晨復購報紙閱之。讀未竟。遽怒擲於地。願謂婉娘曰。果不出卿所料。婉娘問何如。亞俠憤憤曰。敗矣。復有何望。因自地上拾起。指謂婉娘曰。

不見城門已閉。黨人被執。乎婉娘恚之曰。君毋失望。天下事敗者成之媒也。今日之敗。安知非他日之成乎。吾輩但發憤自強而已。亞俠憤稍已。然怒氣猶勃勃也。

桂花香裏。義軍特起。白旂一片。飛舞於黃鶴樓上。數千年沈沈大夢。忽焉驚醒。青年志士。咸奮袂而起。棄其所學之學業。投入武漢之學生軍。旂下爾時。上海已光復。蘇州亦反正。唯南京固守未下。正陽關戰事方急。亞俠歎曰。此間需才甚亟。男兒正有可爲。何必僕僕焉。遠適他方哉。因與同志數人。特別組成一隊。號曰同志軍。人數雖不多。然皆慷慨敢死之士。一面卽致書婉娘曰。

吾至愛之妻婉娘。在此間。已與同志諸君。組織同志軍一小隊。不日向正陽關出發。聞彼中戰事甚急。到達之日。卽須準備作戰。與敵人相見於血刃橫飛之下。夫戰死榮譽也。爲祖國而戰死。尤榮譽之榮譽也。僕此行。不望生還。併不願有馬革裹屍骨化。青燐血濺。白草軍人之天職。亦吾輩之素懷也。嗟乎。婉娘。僕今去矣。本願與卿一訣。行期在邈。不敢以兒女私情。誤國家大事。如天之福。殺盡敵人。奏凱歸來。爾時再與卿相見於凱旋門下。未晚也。倚馬書此。不盡欲言。

前書不云乎。亞俠於星期六必歸乎。自武漢舉義。江浙響應。滬杭二等車內。久不見亞俠蹤跡。蓋已數星期不歸矣。豈值不歸。且無一字問細。君安否。在尋常女子。必責亞俠忘情。願婉娘殊不然。遇教

授餘閒。輒研究紅十字會章程及戰地看護學。日夕手一編弗倦。見者初莫測其用意。所在一日郵差送一快信至。婉娘讀竟。即日遣散學生。入辭父母。先告亞俠。從軍事。次乃婉陳已志。請願入紅會。作看護婦。稍盡國民義務。且與亞俠得時時相見。並得以戰地實在消息。函告二老。左右其事。乃勝於遠處內地。將信將疑。萬萬也。二老初甚愕然。繼思婉娘之言有理。遂許之。

婉娘既得父母許可。乃退自妝閣內。伸紙磨墨。作書兩函。一致同學某女士。之在紅會中者。請其報名入會。一致亞俠。略謂來書已悉。妾身為女子。不能執戈前驅。為祖國盡棉力。至以為愧。今已請某女士介紹。投入紅十字會。担任看護。君先出發。妾當隨後。馳至戰地也。書竟。付郵訖。乃命侍女呼婢僕輩。至諭以善事。主人毋怠。毋忽。翌日天未明。即起梳洗畢。向堂上告別。手攜革囊。匆匆赴第一班快車。行於時。心急如焚。不暇觀途中風景矣。

午後抵上海。下車後。詢知亞俠尚未出發。則大喜。亟往同志軍本部訪之。亞俠正與各軍官集議。聞婉娘至。即出見於接待處。卒然問曰。卿來何速耶。既又縞眉曰。僕得卿書。已急電阻止戰危事也。戰地危地也。卿纖纖弱質。寧能受此驚恐。不如速。婉娘不待其辭畢。即止之曰。君何出此言。妾非國民耶。君直接為祖國出力。妾不能間接為同胞盡義務耶。亞俠謝曰。僕失言矣。願卿見恕。斯時亞

俠衣軍服。懸佩劍。黃金之紐。與鮮紅如血之肩章。輝映於日光之中。目爲之炫。亞俠貌固俊偉。至是乃益顯其英挺。不羣之概。婉娘注視不少瞬。亞俠指其軍服曰。僕服此。何如。婉娘微笑曰。若誠志士。服此。乃益爲志士。生色。願君無負此服。努力殺敵。亞俠曰。謹謝吾妻。僕當力踐此言。二人乃握手珍重而別。

某日拂曉。軍中下動員令。正陽關外。喇叭聲弗絕。我軍分爲數縱隊。而以同志軍殿其後。備援也。亞俠此來。本挾有戰死沙場之志。今乃不得親臨前敵。意殊怏怏。因請於長官。願率同志數十人。衝鋒前進。長官壯其志。許之。維時敵人陣地。據一高峯之上。堅守弗動。緣此山橫亘南北。弗得卽弗能。越雷池一步。亞俠率其同志。直向高山進發。相去數百碼。乃伏地蛇行。而前。敵人憑高瞭望。寂然如弗覺。迨距離旣近。機關槍乃如雨下。亞俠冒死而上。山未及半。死者已十餘。同志中有請退者。亞俠叱之。願敵人之抵禦。乃益力。亞俠大呼曰。今日進固死。退亦死死一也。不如……語未訖。而一彈至洞左肋。透其背。而出。仆而復起者三。卒暈絕。

亞俠旣中彈。餘皆氣餒。而敵人復由山顛疾馳下。幸援兵旣至。乃得負亞俠。徐徐退。著者至此。乃不得不述婉娘矣。婉娘別亞俠後。卽投入紅會。陳明志願。求會長派赴正陽關病院。會長許之。於時

亞俠已出發。婉娘乃水陸兼行。星夜馳赴正陽關。比至則亞俠與敵軍激戰。方烈隱隱。聞有槍聲。而巳。斯時婉娘之心。乃如風中之紅十字旗。搖搖弗定。不知勝負。奚若幸而勝。固如天之福。萬一不幸而敗。或更不幸。而與尸歸來。將如何思。至此乃自悔行程。滯滯不及。與吾夫一握手。一話心曲。而親送之於軍前也。既又自慰曰。婉娘爾何。總總慮勝負。何常之有。安見其不。奏凱歸來乎。氣乃頓壯。俄而負傷者至矣。斷肱折股。僕然不一。婉娘初見。頗駭詫。亟詢前敵現狀。則皆曰。戰方酣。勝負殊未決。婉娘心忤忤然。讀者須知。此非婉娘之餒也。戰場之上。子彈吁吁。然自頂上過。非百戰老將。神色不變者。蓋寡矧以弱女子。初涉戰地。又有同床共命之心。上人置身於硝煙彈雨間。與敵人爭生死。乎斯時槍聲愈烈。傷者絡繹弗絕。俄有二人。昇一少年軍官。至彈貫其肋。血點點流。弗止。婉娘見之。大驚。伊何人。伊何人。蓋卽同志軍首領亞俠也。親其額。額冰。按其手。手冷。全身呼吸已止。僅胸頭有微熱而已。婉娘歎曰。我固知君必死。然不料如是之速也。出師未捷。身先死。豈非天乎。

軍中聞亞俠傷。爭來問訊。醫生拒不許入。斯時亞俠已暈絕。知覺盡失。越數小時。乃徐徐甦醒。回視婉娘在旁。遂執其手曰。卿非我親愛之婉娘耶。乃於何時至此。婉娘哽咽不能語。頷之而已。既而忍淚言曰。醫生有命。二十四小時內。不許發言。君其安睡。亞俠微笑曰。謹謝卿囑。卿在此。僕心安矣。願

以劍痛甚血流卒弗止。婉娘背之而泣。亞俠憤然曰：「男兒死耳，何泣爲？且卿不憶當日祈戰死之言乎？越一晝夜，劍乃益甚。亞俠知不能起，乃呼婉娘問曰：「僕死，卿當如何？」婉娘泣曰：「君萬一不幸，妾唯相從於地下耳。」亞俠正色曰：「卿誤矣！僕可死，卿不可死。僕有父母，卿亦有父母。然僕有一兄二弟，不患無人奉甘旨。卿則上無兄，下無弟，僕死已無以對卿父母。卿若爲僕而死，其如白髮雙親何？豈非以兒女私情忘天倫大義乎？」婉娘淚潸潸下，嗚咽不能答。亞俠忍痛言曰：「我親愛之，婉娘須謹守吾言。嗟乎！婉娘，僕豈不願與卿携手於地下乎？願權衡輕重，卿萬萬不可死。」婉娘泣曰：「謹遵君命。然妾終望君速瘞也。」亞俠乃力疾握其手曰：「卿能如是，僕死瞑目矣。」遂朗吟醉臥沙場。君莫笑古來征戰幾人回之句，含笑而逝。軍中皆歎，不置曰：「好男兒，好男兒！」

小說奇

此中人語

（一名盜桃源）

（指嚴）

盜人之窮而無行者也。古人謂盜亦有道。余友語石生謂余曰：「盜亦有才，有學，有藝，而且有志節。有胸襟，有人，有土，有財，用焉子寧不疑予爲荒唐滑稽之詞，徒撰此幻境以飄世乎？不知予固能道其人其事，鑿鑿可證其曲折情狀。皆余戚串某君所親歷而目擊者。某君，梁溪人也，少失怙恃，遂輟學。從其叔業農於山野地，隣宜與之張渚、丁蜀諸山叔，以其文弱，慈願以坐食爲厭，乃使之牧舍牛。」

而竊聽鄰兒讀欣然忘食致失其牛捐金贖之始返壁受叔痛撻幾斃乃使樵採滿足山徑間崎嶇
萃确荆棘叢刺脛踝往往流血或挾破書坐枯樹根迴環雜誦遇生字無人質問輒仰天號哭四山
怪響林鳥悲鳴以應之既而日暮風蕭雲壑漸暝若有猿啼虎嘯令人心膽寒栗不得已荷擔自歸
則薪芻不能盈握叔怒其怠輒不與之食忍飢終夜未明而起叔有女年略稚於某兩小無猜憐其
悲泣時背父母分甘以慰藉焉某苦飢則就女訴衷臆女懷餅餌資飪以進願叔見之必大詬奪而
飼畜女每乘父未起時私致之故某於晚間不得食則蜷臥草間不敢聲息逮曉光入戶乃逡巡伏
雞埒下候女之來而索食焉以女職司飼鷄曉必啓柵故也女謂某盡勤奮樵採多所取則叔必稍
喜或不聽君枵腹某感謝之願終以好聽隣兒讀又貪看山景取薪輒不能多時某凡過村塾必徘徊
戶外注意其講讀遇生徒出聆而絮問之雖受呵斥不顧又不敢徑問其師旋以積餘餅餌易得
破書一冊益喜如士人之獲科第商賈之慶厚利者自是研摩益勤得薪益寡而數里內村塾之門
皆有某之蹤跡焉叔父知之怒愈甚囑塾師俟其來痛毆之無使逗遛有某先生者長厚有學行憐
某實無辜而好學於是勸其叔許某入塾允不取束脩叔笑曰田家大小須作苦安得羨養閒人且
幾見牧牛兒能發迹欲考秀才作官耶先生如好意能使彼每日歸吾薪四束則他非所問矣先生

唯唯曰此大易事他日作封翁還當一念老夫也遂收教之且勉以勤能某學業大進而束薪多於往時叔父亦大喜過望稍稍優待之某感師恩刺骨師家之擔薪汲水亦不勞他人也師憐其過勤轉勸以休息某終不肯少息年餘已能書算文理清通師忽感疾不起殯殮之日某痛哭失聲幾欲以身殉衆勸其暫歸自是每日必至師家擔薪汲水如故事畢輒持所習經書向師柩前讀且讀且泣聲淚俱下師母力勸之乃罷未幾師葬矣某獨踰墳前哭不可仰衆既散某猶徘徊不去去將廬墓三年仿子貢故事叔父怒斥之某亦不辨至晚不歸遂失蹤不知所之

叔既失某以爲近日漸得用有希望頗遷怒師母指爲賤匿幾構訟師母恥之欲自戕兩村人和解乃已既而叔老病死無子僅二女其一嫁婿亦不甚豐卽懷餅餌餉某者也一尙幼叔母愛女甚恆私殷產錢幣以遺之族中爭爲繼嗣樹割其產殆盡叔母日夜號泣與幼女楚楚對影無何婿溺於博喪其田產從人他去不歸女苦姑惡遂與母相依自是母女三人作苦以自給尙不免族人子之欺凌遇不堪處輒號痛而已每謂人曰謂吾姪某在吾何至此荏苒五六年幼女亦字人將嫁矣一日有少年來村中衣服華潔姿態翩翩問某家無恙否今安在蓋所問者卽某某叔父姓名而叔父之故宅已爲族人子所據母女徙居祖祠旁小屋故某覓而不得也村人指示之有舊相識者皆

驚曰子非某耶固尚在且富貴矣於是爭送致之母女處相見悲喜交集某又邀其師母至爭道哭
闕額手相慶族人子亦自媿無狀乘間來獻媚道懣懣置酒宅中某乃出囊中緡帛及美麗之物相
報且徧饋村人衆咸問訊別後事某約略言爲貴家贅壻而已居一二日挈其叔母二妹及師母與
其子去久之師之子歸始洩其始末於村人某亦時往來村中事益膾炙人口衆方驚畏之不暇未
敢譏也某自謂師既葬忽忽如有所亡自視世界雖大無復已容身之處因思塵網束縛終不能自
脫若守故轍又不能遂已之初願不如掃除煩惱歸根清淨則佛煙禪榻間未嘗不可潛心典籍乃
決計走空門拜長老求剃度披緇以了此生憶村之西有古刹僧徒數十百人生涯尙稱不惡試投
之或不吾棄也於是踵寺門道來意長老以無家長允許憑證不之允叩求再四則呼小沙彌送予
歸問予知必遭叔父鞭撻執不可長老遂留予庖中助伙夫執爨予不勝苦知山中古刹甚夥大可
擇地而蹈既非好相識又何戀戀爲乃晨起遁山中山距予村約二十里許連亘百餘里其間重巒
疊嶂絕壑廻崖奇景曲折無盡予樂而忘飢時予已私剪髮辨棄之頭髮聚然面目黧黯絕似行脚
野僧初得一庵問予非從師門受戒者不肯給食遂去之抵一寺又問如初予乃詭言某寺某長老
剃度未及受戒而病作又被盜喪其資斧故悵悵無所之僧以爲然始得一飯大喜越日予乃露求

受戒意。僧以予無來歷。終依違未決。予乃復行時。入山約已三十餘里矣。落落無所合。予思前途大抵可知。心念惶悚。志氣頓灰。又遇土人言復進。且有盜窟。輒擄人勒贖。誤入者非輸金不得出。予初聞大懼。卽欲返步。既而思予反而境遇如此。身世如此。何所顧忌。而畏縮且彼等有金。故盜擄之而勒其贖。我旣無金。何贖之有。死生有命。吾得深山古寺。遂其初心。固爲大佳。否則盜而死者。亦命也。乃鼓勇前行。巖壑阻深。徑益逼仄。長松蔭落落。雜樹蒙翳。蔽虧天日。鳥啼猿嘯。出其中。人迹復絕。不覺心悸然。終無退志。久之忽得一洞門。內頗窈折。深黑。試探之。髣髴有光。自後出。但容量極仄。僅可側身。藤蘿垂蔓。鈎棘衣袂。渾疑鬼怪捉人。約數十武。頓開一區域。上漏天光。下爲小石室。室中有椅桌器用。并柁枷錡釜之屬。多以石爲之。似有居者。然闕其無人。轉視對面有大石當路。方覓旁徑。再進。忽左方石門呀然開。有二人出。態皆雄猛。以鹿皮爲短後衣。手脚嶙峋。見予。獰笑曰。孩子來此。索糖果耶。予未及答。卽牽予臂曳之入室中。矛戟森然。并有火器槍桿。臚列盈架。予視之心膽俱碎。知土人言非無因。然旣入虎穴。明知畏怯亦無益。乃侃侃言。誤入之故。請放還。一人獰笑曰。孩子頗白皙。予數日來。正患無惡樂具。天送汝來。供吾飽嘗異味。不可空過也。因挈予臂。自後出。予念彼殆食人者。命盡於此。則何如忍鞭撻之爲愈乎。天殆怒予不孝。弟故驅之死地耳。嗟嗟叔父叔母暨余所

親愛之妹。今而後安得復相睹耶。時凶人曳余出後院。則方池大竹。雜卉繽紛。風景之佳。一如別有天地。遠而望之。平陂曲徑。方罫繡。歷歷如畫。余此時命在呼吸。不暇諦觀。凶人謂予曰。速入池沐。易予不喜。汝垢膩。且可一顯玉體之柔潔也。予不得已。果解脫。敝衣褲入池浴。畢。凶人視之。面有喜色。乃擁予就石上坐。撫摩展視。意極狎褻。旋令予側臥。將就淫之。予驚呼伏地求免。且曰。予清白良家子。亦嘗讀書明理。實不甘作此賤行。雖死不能從也。其人方欲肆其武力。忽窗下有人呼曰。彼曾讀書識字者乎。不妨姑試之。大王正缺一書記員。屢囑吾等訪覓。云有重賞。子姑舍之。試不合格。再供子歡娛未晚也。凶人始釋手。則呼者已至前。令余仍衣故衣。訖曰。從予來。予知好事將至。欣然從之。曲折渡。略約而東。地忽平坦。出疇廬舍。在望外。則四山環匝。綠樹如壁。壘然數武。以往馳道。縣互廣袤。容車馬。居民稠密。樓閣連雲。更進則漸成繁市。闐闐皆具。平居服食養生送死之用。無不備。交浴往來。熙熙攘攘。殊不知人世間有理亂事。未幾至一府第。闕觀巍峨。槐棘森立。儼然王者居。以指一小室。謂予曰。爾暫入此。吾自能相顧。語訖而去。予周視室中。無他物。惟几榻數事。及壁間懸一幅地圖而已。雖斗室亦清潔。忽憶門前有揭。槩暑板出視焉。則延賓室第十號六字也。予意良慰。謂彼固以賓待予者。須臾呼者偕一人至。其人衣冠頗華美。狀類文士。詢予姓名居處。一一告之。因令

予○試○作○文○字○大○都○如○書○札○式○予○既○受○某○先○生○之○教○育○略○知○模○範○乃○盡○予○技○藝○以○應○之○文○士○與○呼○者○閒○談○以○待○約○炊○許○予○事○已○竣○勢○既○至○此○亦○遂○無○所○顧○覷○坦○然○呈○之○文○士○閱○罷○有○喜○色○曰○雖○不○大○佳○然○孺○子○可○教○也○旋○命○呼○者○伴○予○彼○乃○入○呼○者○向○予○笑○曰○子○得○所○矣○稍○頃○可○見○王○者○勿○忘○老○夫○推○轂○情○也○予○立○起○長○揖○以○謝○旋○見○一○人○捧○衣○服○至○命○上○下○易○新○袍○褶○執○袴○生○平○目○所○未○睹○易○竟○復○有○人○傳○宣○入○見○呼○者○乃○辭○去○予○再○四○謝○之○呼○者○曰○勿○爾○他○日○煩○君○齒○牙○可○耳○予○遂○從○宣○召○者○行○歷○殿○數○重○始○得○一○便○殿○形○階○丹○陛○儀○制○尊○嚴○殿○上○傳○呼○入○見○予○微○睨○之○中○間○設○座○如○榻○一○人○箕○踞○面○南○坐○衣○冠○甚○偉○旁○有○書○牘○簡○冊○之○屬○積○疊○等○身○侍○者○分○行○鵠○立○至○數○十○人○殿○之○左○右○亦○有○几○案○積○書○牘○如○中○央○狀○似○分○曹○治○事○者○予○登○殿○將○拜○跪○侍○者○忽○傳○呼○曰○勿○爾○此○間○已○廢○跪○拜○禮○但○三○鞠躬○可○耳○予○村○野○人○不○知○鞠○躬○爲○何○狀○頃○間○又○未○閑○習○乃○以○意○爲○之○拱○揖○至○地○如○是○者○三○侍○者○幾○失○笑○王○者○問○予○來○甚○善○年○幾○何○矣○予○答○以○十○八○王○者○亦○如○文○士○語○謂○孺○子○可○教○又○獎○勉○數○詞○乃○曰○此○間○第○十○曹○記○室○方○缺○子○可○充○之○能○勤○厥○職○則○懋○賞○當○有○加○也○予○唯○唯○受○命○由○侍○者○引○往○殿○隅○席○間○坐○几○上○案○牘○頗○多○心○惴○惴○焉○恐○不○勝○任○略○一○緝○檢○乃○其○文○義○淺○顯○已○殊○一○一○明○瞭○竊○自○喜○益○復○徧○覽○大○都○皆○命○其○黨○屬○連○解○錢○糧○之○語○有○不○解○者○例○得○問○第○一○曹○其○人○卽○考○試○予○之○文○士○也○如○是○者○每○日○晨○九○時○入○曹○十○二○時○午○膳○午○後○二○時

入曹六時乃退晚宿直廬所居宏敞而幽潔人各一院花竹翳如予此時以爲天上神仙不啻也且院中書籍頗多奇編異帙大足供予涉獵尤所心喜每七日一休息謂之來復休息日王者必邀予等宴談款以酒食或論古事或及時務予之見聞乃日廣居然亦能時發短論王者亟賞予敏捷謂有才人學士之風予既受王者之夜獎乃益自刻苦讀書史輒夜分不寐精神頗况瘁王者知之又諄諄諭以節勞并賜參茸補益之劑予感激刺骨益思得當以報凡諸曹中學業有過予者予必師之友之誠敬質疑不敢疏忽久之文理愈通世事愈達漸知此中治理大概蓋地本居四山中東西各有一徑出入餘則層巒疊嶂鳥道盤空人迹所不能越也居民約百家土性桑麻穀稻俱宜惟交通阻礙類皆自食其力故貧瘠殊甚十年前俠盜十餘人至此愛其四塞可防守中且自成一區域遂與居民申約法施禁令據而有之居民轉得受其保護遂皆悅服於是盜黨漸集築宅第蓄妻子一如平民初僅推一盜魁任規畫事參贊四人副之盜魁朱姓名大善自言明裔又曾改姓洪太平天王之姪孫也祖曰洪大至死於永安州之難子孫世襲王爵及太平亡大善從其家人遁浙閩時當幼雅及壯嗜集舊部入太湖爲盜慨然思有所樹立乃得此四山間隙地小試其創業垂統之經濟焉大善爲人偉岸有膂力豪俠敦篤好士如生命諸少年樂爲之死不甚讀書而嗜文學閱武之

暇手不釋卷能娓娓論古今治亂事皆中肯綮既得四山間地與諸參贊商榷定名曰會同鄉取奄有四海之義鄉方積約百里畫爲十區區各設正有議會有事務所區直接於中央府中央置統領一人卽王者也其制略如君主而選公民之俊秀及舊部之有才德者四人爲總務處其大權則在議會總務處所辦文件分十曹卽吾所補缺者其第十也此外無閑官十曹中設實業曹有農業工業等研究會注重實驗教育尤竭力推廣教師取於鄉中不足則延聘於外不惜重金就事他方者仍撥發達本鄉之義務且守秘密主義如背約則削其籍焉鄉中一切治理經費悉歸財政曹皆營業地稅所得若劫掠之助則別設內府曹以統轄之予所掌爲交通曹其事專在知外間劫掠盈耗情形內容頗鄙穢且他盜黨之不文者淫殺殘酷無事不與吾相觸接惟黨中人有犯淫殺者歸偵探曹稽察之有實迹則交法曹治罪焉全鄉凡士民百餘家盜黨移殖及諸曹務掣家來者約二百餘家共不滿四百家而治法悉備科條整密黨人與士民相親狎婚嫁往來綽有禮意子女皆入校讀書求學蔚然文明氣象予旣居此年餘文字之進步頗速公然能起草擬條教發揮論議大統領見之輒賞歎不已又二年大統領乃謂予曰子之才此間人殆無與倫比乃境過蹇澁無家室奉養之樂吾當爲子成全之吾有內姪女曾讀書明禮誼貌亦可人子如以爲然者吾當擇吉致之侍子

巾櫛予感媿不勝唯唯稱謝遂於數日後行合香禮大統領命賜一大宅奴僕器用具備賀者餽贈極豐予自是擁豔妻作富家翁矣予既得志思叔父母不已然此間例非公事不許出予乃求予妻設法始得托關查名義出山省親云某事既洩於衆有欲探險者輒迷其徑某時挈叔母師母等歸鄉祭掃衆習聞其山中情狀惟終無自由問津之權耳

指嚴曰賢有才者不能得志於當世乃退而甘心於盜某所遇者豈尋常綠林嘯聚者流哉無終之田疇扶桑之虬髯非直桃源避秦而已何物使君生吾並世

小說 說 塾 塾

(潛時)

困人哉永永清晝不啻小年暑日炎炎侵人欲醉兀坐短窗下汗淋漓如泉湧忽微風習習自紗窗入隱隱有書聲迴繞於耳聞若斷若續蓋鄰家有私塾二三童子鎮日詩云子曰其中苦哉童子當此酷熱之天日與嚴師相對低吟高誦長日未能少休息因憶余曩爲童子時亦同一狀況至今思及猶似鬼魔之在前芒刺之在背也

私塾與余家僅一牆隔其窗正臨街而塾師亦余素諳者余於是出街至窗下暗窺師南面坐盤其辨赤其眸紅其睛黑其肉令人一望而知爲鄉間學究而童子對之則閭閻不啻也塾師忽舉目見

余曰汝乎。趨入。夏間有何樂。竟不來就吾。一談耶。余應聲入。師復顧其徒曰。去休。去休。明晨當早來。書須熟否。將打煞矣。諸童如奉綸音。咸歡忻舞蹈而去。

余坐曰。師熱乎。師曰。否。心靜自涼。熱云乎。哉。汝失養性之旨矣。言已。揮扇不止。余笑而問曰。高足輩讀何書。師曰。是何必問。四書五經外。尙有何書可讀。如彼輩則四書將畢。今復授之以講義。惟童子萬難得書中之精髓。姑先以皮毛授之。誘其升堂。然後再教以入室之法。言至此。作得意色曰。如吾之爲人師者。幾幾如鳳毛麟角矣。余笑而唯唯。

師之撮口張目伸頸聳肩。無一不使人發矍。然其形狀之怪。言論之奇。則猶不止此。移時忽謂余曰。汝以孔子爲何如人乎。余曰。僕不敏。焉能知。師笑曰。是誠難知。蓋孔子乃一最無用之人。亦一貪生怕死之人也。當其被執於匡人。則神昏智亂。無所措手。僅僅道出天生德於予。匡人其如予何。二語。平日智能一無所施。後顏回歸來。則曰。吾以汝爲死矣。其爲此言。卽所謂悲喜交集。聲淚俱下者。謂其無用。謂其怕死。誰曰不宜然。孔子又有陰狠與嫉妬二性。吾嘗觀彼見南子。而子路不悅。彼則中心恨恨。故竟咒子路不得其死。其陰狠之性顯而易見。至其嫉妬。則見季文子三思而行。彼則曰。再思可已。子貢方人。彼又曰。我則不暇。其不樂成人之美之處。尙多。汝於書中細味之。當知吾言非誣。

言畢復作恨聲曰。孔子誠小人哉。彼固云。君子惡稱人之惡者。然彼於微生高則竭力破其隱揚其私。言行反復。君子固如是乎。無怪微生畝謂其爲佞。是誠佞之尤者。汝意云胡哉。余此時笑腸將折。勉強又答曰。唯唯。師怒曰。汝何善唯唯而不文。若是。余曰。師怒。余師言真別開生面者。使僕五體投地。師果與孔子同時。則人又將謂瑜亮並生矣。師喜曰。汝亦吾之知己也。吾所言固不苛。實卽吾所謂書中之精髓者。他人身乎。知汝何幸而來此。福誠不薄。余笑曰。與師一夕話。驅散熱度於十丈之外。直不啻清涼散一劑也。夕陽下矣。敬告歸。師起而送余。且曰。果時時來就吾而正焉。則吾固非吝者。汝之獲益當無窮日矣。余仍笑而唯唯。揖謝而出。

潛時曰。國人尙有欲以子弟入私塾者。蓋以孔孟書不可廢。廢之則人不齒也。然如彼塾師之言。論奇僻其誤人又豈淺鮮哉。

小紀
阿木林

(馬二先生)

某夜某劇場演某名劇。觀客甚盛。座無隙地。後至者不能客足。輒懊惱而返。

九時後忽來二女客。隨一婢一媼。乘一摩托卡。既抵劇場門。則昂然直入。案目鞠躬笑迎。似爲祕客。二女客既入場。就座。輒呼婢媼取衣包及水煙袋來。二人乃易衣。吸水煙。既而案目又奉水菓兩大

盤三炮台紙烟一包。至而茶也。瓜子也。亦紛紛並至。於是狹案之上。爲之無餘隙。

此時一幕告終。電燈燦然通明。劇場看客神志略蘇。忽羣移其視線。集于二女客之座上。但見二女客一著水綃衣。裙全身白色。若籠烟霧。一著玄紗衫袴。花紋斑斕。文彩照人。白衣者梳並蒂垂蓮髻。珠環鑽飾。映電燈條條作五色光。玄衫者梳墮馬鬃。飾淡紅色絲結。飄飄若巨蝴蝶。以年卜之。二人當在花信以上。而雙蛾淡畫。脂粉薄施。遠望之。實不啻二八女郎。于是衆人有竊竊耳語。互相猜擬者。二人雖有所聞。初不介意。既而幕開劇作。二人時復指點。互相告語。若有月旦。特語音甚低。似不欲使他客聞之。致妨視聽者。

俄而白衣者召媼來耳語。良久。媼便去。尋案目亦耳語良久。案目笑謝曰：「此實不能爲力。余若爲之。必且見斥于管事者。不復能容足于劇場矣。幸爲我謝焉。」媼返命白衣者。復與耳語良久。媼笑而點首者。再遂返座觀劇如初。

劇終看客紛紛散。二女客徘徊劇場門側。不卽去。媼則獨後立。扶梯傍。若有所待。久之。忽一少年自劇場內趨出。媼急尾綴與語。少年始則駐足聽詞。未竟。少年輒大怒。叱曰：「余不識若。乃獨以余爲無恥者。而敢以此種勾當相引誘耶！」媼色變。遑遽出。小語曰：「些子事。何便值得如此聲張作態。遂

逃趨出。至二女立所。牽裾同昇摩托卡。語隱約不可辨。但遙聞遠風吹送三數字。至少年耳鼓曰：「彼……阿木林……不如……」

著者曰：「阿木林」云者。將謂少年歟。彼二女之所以語媪。媪之所以語案目者。殆以「非阿木林」望諸少年歟。惟是彼二美者。力足以迴劇場內千百人之視線。而不能化少年之性。使不為「阿木林」則夫。「阿木林」之所以為「阿木林」者。殆非易遇者。也是不可以不傳。

短 篇 天半笙歌

(海虞末情)

青桐數株翠竹千挺。明窗四啓。書籍橫陳。此吟秋主人避暑所也。主人卜居城中。每遇春殘。則偕一童徒。處此鄉別墅。以消長夏。墅中花木宜人。水石清潔。南軒開地寬廣。綠陰蔽天。夕陽在山。主人則呼僮烹茗。移小榻。握葵扇。略執卷冊。以徜徉此樹下。又其南則一泓清水。澗激可觀。池之東南隅。綠樹叢雜。一角紅樓。不知誰家棲息所也。北望青山。雲態萬變。俗慮涓滌。塵念不生。主人益悠悠自得。此中况味。非城市人所得者。

一日吟秋。以恆例納涼樹下。忽聞歌喉宛轉。順風飄漾。傾耳聽之。似出於池南高樓中。吟秋深居簡出。初不審其鄰。為何如人。驟聞歌聲。知此中人必非俗客。吟秋固嫻于音律者。辨音按律。知必為女。

子所歌約半時許歌聲頓止樓窗呀然而啓瞥見一女郎着淡黃衫持一茜羅巾向窗外揮灑不已吟秋觀此景况驚遽而起及審視而樓窗又閉矣

惟時夜色昏黃樹影憧憧撲人眉宇吟秋亦悄然歸寢次日天氣酷熱午後雷雨大作移時即止滿庭花木生意倍添吟秋則攜卷持扇徜徉水邊無何歌聲又作矣吟秋經此感觸乃捲卷靜聽初則悠揚中則紆緩繼乃急疾驟聞笑聲則窗啓而女郎出現紅巾飄颺不已轉瞬而窗閉人影杳矣自此每日午後吟秋必納涼池南高樓中必於此時發歌聲歌止必有女郎啓窗揮巾或略遠眺窗不遽閉盈盈一水間脈脈不得語殆吟秋之謂矣

一夜吟秋步月過前溪忽有一英俊少年彳亍而來謂之曰君非吟秋主人乎夜遊真難得也吟秋詢其姓字則金劍虹即池南高樓之主人翁也劍虹曰君家庭院於僕樓可一覽無遺以君簡出不克令君來吾家一晤聚也吟秋曰是烏不可明日敬造訪且日聽君歌得就聽之尤佳劍虹曰君亦愛歌耶明日君來當令山妻一奏以娛佳客乃相與珍重而別

越日吟秋整潔衣服繞過前溪至則已有一女郎佇立以待審視即樓頭揮巾人也女郎笑言曰待君久矣請入吟秋振衣而進劍虹下樓而迎聚談頗快移時吟秋倚欄北指曰此即余聽歌處也劍

虹曰予幾忘之矣當令山妻速奏也女郎則由內室取一留聲機置几上振機舖片歌聲豁然劍虹曰此最新之片純歌而無樂音者余二人愛歌而厭樂乃出重價置得之吟秋曰余幾疑是君輩真歌也歌既畢女郎則以紅巾拂拭之轉向窗外揮巾不已吟秋曰是胡為者女郎曰吾揮去其塵穢也吟秋笑曰是非一日矣女郎曰然劍虹亦笑曰吟秋君誤矣三人皆大笑不已

齊宣王問參

(慕考)

青草平舖於前小渚縈洄於後自朝抵暮無刻不聞吟哦之聲此何所乎閩清五都湯先生書齋也先生為人蘊藉多材多藝性嗜古非秦漢以上書不讀教授有方終年無倦容學子自而立以下爭師事之故有心培植少年者咸遺子弟負笈而肄業焉

吳日新者前清孝廉也有子名啓元穎慧異常人唯秉性謹願人誑之輒信以為真吳令其從湯先生讀在館與同鄉黃茂才長卿子君文相友善長卿者日新之莫逆交也

時嘗遊月炎蒸逼人不容燎原唯先生書齋涼風習習毫無暑意騷人逸士遊其地者如縷不斷先生均賓之友之庚戌日新同長卿至暢談痛飲意欣欣如也

長卿性狡黠喜諧謔雖學友亦愚弄之以為快聞啓元誦大學至苟日新句低聲問之曰學禮乎啓

元愕然。長卿又曰。嘗應童子試否耶。曰。往年九歲。足跡不及五十里外。又焉知所謂童子試者乎。長卿曰。居吾語。汝凡應試者。遇廟諱。均避而不書。廟諱者。天子之名也。夫天子雖尊。去吾疏遠。呼而詈之。孰知者。矧僅書其名耶。乃猶不可不避。若夫令尊生而汝鞠育長。而汝教誨。今于廣衆之前。直誦其名。其如禮何。啓元曰。唯唯。敢問將奈何。長卿曰。子誠痴而不可訓哉。盍以家父二字。代令尊之名乎。啓元曰。諾。乃高聲曰。湯之盤銘曰。苟家父。家家父。又家父。朗誦不輟。

日新聞之。怫然而怒。讓長卿之戲謔。非時批啓元之頰。告之曰。子唯湯先生之言。是聽可也。先生非姓湯乎。縱其忘吾名。亦不至自忘其姓名。可諱姓。何不可諱耶。啓元緘默無語。

時君文受先生命外出。適返。見其父與日新喜溢眉宇。不知其父之戲弄啓元。卽啓元與其同學。亦莫有以告者。故君文終莫由知其事也。日新見君文喜甚。與之談。勉其勤學云。

無何夕。陽西墜。吳黃相將俱返。訂壬子重來。

義和鞭疾。曜靈節急。甫一旋踵。壬子到矣。長卿中途如廁。日新入齋。復與君文談。少選。長卿施施而至。君文朗誦上孟曰。齊宣王問。孟子曰。何阿爹之間也。王曰。爹不同乎。曰。不同。有貴戚之爹。有異姓之爹。長卿曰。何爹之多耶。日新亦惡作劇矣。

珠簾不捲寶鴨香溫窗前芭蕉數株綠葉紛披滿覆小小庭院不使一輪炎日面其主人可愛者蕉蔭也

是屋之主人爲一美少年時方擁其嬌妻喁喁私語少年嬉度頑臉笑逐顏開妻似不樂聞有厭煩意嬌聲喚曰郎休矣終日尋花問柳不顧阿儂冷落床頭人又非黃臉婆彼心上人兒豈果天仙花人美麗若安琪兒只應天上難得人間遂使阿郎顛倒不復畏人之多言阿儂心碎耶然以儂所聞亦祇一尋常女子貌僅中人舉止輕薄性情浮蕩此乃桃花柳絮阿郎何徵逐其間視同至寶其殆世俗所謂情人眼內出西施乎言罷唏噓欲笑不笑舉其秋波微微射少年面以待少年答覆少年聞此嘲語柔聲言曰吾愛乎請毋妬我何嘗言卿貌不佳卿情不熱者彼石家小鳳果嬌小可憐令人生愛然其貌不揚何能望卿萬一我之愛若乃別有所取卿不知乎人言妻不如妾妾不如婢婢不如嫖嫖不如偷偷得着不如偷弗着卿試思之此言何味哉凡爲男子莫不樂人之溫存體貼慈勸小心此技實爲婢妾輩所優爲而爲我愛卿所不屑至於脈脈含情心心相印若離若合可接而不可近者人必尤爲之顛倒卿其易地思之當知我言非不確也

少年語至此妻卽笑而起曰郎愛恭維乎儂亦優爲之郎自不早言耳請自今始儂當事事出以溫存以博郎歡使郎評之阿儂果較小鳳奚若也少年大喜頻親其吻

夕陽西下燈火齊明天晚矣無何六街人靜夜色深沈少年自外歸忽一變其年日之路徑潛身躡步行至臥室窗外向內微窺其妻方挑燈理刀尺觀其態度狀甚幽嫻自得少年諦視久以指着窗輕彈數下其妻聞聲回首向窗外大聲曰若爲誰何爲鬼鬼祟祟作此醜態曰我也曰郎耶旣爲郎儂室豈無戶者何爲舍之而不入曰我將由此入卿其啟此窗曰厭哉窗起少年入趨執其妻之乎向耳畔低語曰累卿久待得毋以沈寂故怨我遲遲耶曰郎何日不如此者誰怨沈寂來絮絮何爲哉曰卿其爲我閉此窗曰郎無手耶儂旣啓之又欲儂閉之可厭哉

少年至此乃格格笑不可仰其妻異而詰之少年曰卿日間何云乎非謂自今始將事事出以溫存以與小鳳比優劣乎我至小鳳處彈指數下彼卽輕輕啓窗不使有一些聲息以兩手扶我起旣入隨手閉窗縱身入我懷竊竊道一日之思慕今卿力拂我意殊令人失興其較小鳳果何如哉妻乃笑曰儂已忘之矣當以明日始郎其許我乎少年笑而頷之

翌日之晚少年匆匆入房故履戶闕蹶而顛其妻愠現曰郎有何事匆遽乃爾偌大年紀乃若小孩

手。抑。何。可。笑。少。年。一。躍。而。起。笑。語。之。曰。吾。愛。汝。不。痛。我。扶。我。撫。摩。我。而。反。譏。我。小。鳳。當。不。若。此。吾。果。謂。卿。不。屑。爲。也。其。妻。笑。少。年。亦。大。笑。

記者曰。今我國女子。竭力步武西方美人。奇賁其夫。彼使其夫。獨於彼。婦對於藪。枯之柔情。軟語。慰。勸。體。貼。不。使。心。上。人。有。一。毫。不。快。意。者。漠。然。無。動。於。中。如。此。而。欲。求。一。雙。兩。好。笑。態。盈。盈。無。或。嗔。無。或。怒。無。或。一。反。目。不。恭。難。哉。余。述。此。余。蓋。有。遺。憾。焉。

小說情可憐儂

(休寧華魂)

噫。天。地。無。情。誰。憐。儂！吾。不。料。以。一。腔。熱。血。澆。灌。女。界。自。由。之。花。竟。結。此。酸。苦。之。果。我。今。日。之。死。是。爲。我。二。萬。萬。女。同。胞。於。一。情。字。上。犧。牲。性。命。爲。後。者。作。殷。鑒。免。我。多。數。親。愛。之。姊。妹。再。沉。淪。於。恨。海。中。也。噫。女。媧。你。爲。甚。的。天。不。補。噫。精。衛。你。爲。甚。的。海。不。填。留。這。遺。恨。在。世。間。任。這。情。魔。擾。兒。女。那。鴛。鴦。兒。也。會。雙。飛。那。樹。枝。兒。也。會。連。理。可。憐。儂。還。不。如。世。間。一。禽。一。木。呀。這。紅。顏。薄。命。四。字。竟。萬。古。不。能。磨。滅。麼。吾。不。信。吾。願。死。吾。願。速。死。化。禽。而。請。問。哈。哈。在。下。著。可。憐。儂。平。空。的。寫。出。這。段。文。字。來。吾。知。閱。者。諸。君。很。爲。詫。異。夫。不。知。這。就。是。可。憐。儂。書。中。之。可。憐。主。人。翁。瀕。危。一。段。淒。淒。慘。慘。嗚。咽。嗚。咽。之。遺。話。作。者。今。寫。此。篇。亦。就。不。知。不。覺。淒。淒。慘。慘。嗚。咽。嗚。咽。的。寫。了。出。來。這。是。我。們。一。個。惻。隱。之。心。遇。着。哀。情。之。事。陡。然。發。現。出。來。的。道。理。請。閱。者。諸。君。不。要。說。奇。拋。掉。數。分。鐘。工。夫。聽。在。下。慢。慢。的。道。來。罷。

話說亞洲天都郡白鶴縣地方有一個熱心的女士名喚秀儂夫人素抱着一個拯救女界的心平日與的公益到也不少如什麼天足會哩貧女教養院哩狠有幾樁是久爲都人士所欽仰的一天他忽想起白鶴縣這個地方風氣閉塞家庭教育一點也沒有就想辦一個女學堂替這女界中數

千○年○的○黑○幕○掀○開○了○。○放○一○線○光○明○進○去○也○好○讓○這○些○酣○睡○的○姊○妹○們○醒○醒○想○罷○。○打○定○了○主○意○。○走○到○他○先○生○書○房○裏○去○告○明○了○此○事○。○你○道○這○先○生○是○誰○呢○。○即○是○他○最○親○愛○的○Husband。○姓○俞○名○履○如○亦○是○一○個○熱○心○志○士○。○現○充○每○校○堂○長○。○他○們○夫○妻○間○感○情○素○來○濃○厚○。○當○時○聽○了○他○夫○人○一○席○話○。○喜○得○眉○開○眼○笑○的○道○。○能○得○夫○人○這○麼○熱○心○。○這○不○是○那○些○女○同○胞○福○氣○來○了○嗎○。○但○是○一○層○我○是○個○窮○措○大○館○。○殺○無○多○那○開○辦○經○費○。○狠○爲○難○呢○。○且○這○樁○事○。○不○是○我○們○二○人○可○以○成○功○的○。○不○如○邀○幾○位○同○志○來○襄○助○罷○。○夫○人○你○想○想○看○。○那○秀○儂○夫○人○聽○罷○。○沉○吟○了○半○晌○道○。○若○說○經○費○這○一○層○嗎○。○到○不○打○緊○。○妾○處○尚○有○點○粧○奩○。○今○日○爲○姊○妹○們○造○福○也○。○就○不○管○他○。○拿○去○售○了○來○作○開○辦○費○。○到○是○辦○事○這○個○問○題○。○真○狠○難○解○決○。○當○下○二○人○磋○商○了○半○天○。○後○來○到○還○是○他○夫○人○想○出○說○道○。○那○年○贊○成○我○們○辦○這○天○足○會○的○王○旭○山○金○潛○溪○王○雪○樓○諸○君○子○。○你○就○忘○了○麼○。○他○聽○着○拍○掌○笑○道○。○我○真○是○古○調○翻○新○的○終○日○裏○爲○着○那○些○什○麼○A B C D 溫○禿○師○利○夫○都○鬧○糊○塗○了○。○不○是○你○提○起○。○我○竟○一○時○想○不○出○。○於○今○即○寫○幾○封○信○去○請○他○們○來○參○酌○。○你○儘○管○去○做○你○一○部○分○事○好○了○。○夫○人○聽○罷○。○退○了○出○來○。

隔○不○到○幾○天○。○那○王○旭○山○等○就○議○定○舉○了○本○城○一○個○碩○儒○姓○洪○名○紫○鏡○的○老○先○生○。○做○了○堂○長○。○夫○人○就○做○了○管○理○兼○修○身○國○文○教○員○。○還○有○一○位○潘○女○士○充○算○術○教○員○。○到○是○缺○一○個○教○務○的○主○任○。○大○家○想○了○許○久○。

都○想○不○出○忽○見○那○金○潛○溪○跳○出○座○來○高○喊○道○得○了○！○我○們○同○村○有○一○位○倪○閨○隱○女○士○是○申○江○女○子○師○範○畢○業○的○於○科○學○上○都○狠○有○點○門○徑○手○工○尤○爲○擅○長○無○奈○是○個○文○君○新○寡○諸○事○就○有○點○不○便○若○論○他○的○人○品○真○是○冰○清○玉○潔○神○聖○不○可○侵○犯○的○但○是○沒○個○人○去○聘○這○樣○個○好○教○員○來○呢○秀○儂○夫○人○聽○着○言○道○既○有○此○人○才○那○就○好○極○了○我○卽○修○函○去○聘○請○他○其○餘○的○事○還○要○望○諸○君○臂○助○才○好○彼○時○衆○人○都○各○稱○允○沒○多○幾○天○這○女○校○果○興○辦○起○來○內○容○規○模○一○切○到○也○完○備○那○閨○隱○女○士○乘○此○時○候○果○也○來○到○夫○人○見○着○他○那○付○艷○如○桃○李○冷○若○冰○霜○的○樣○兒○就○欽○佩○親○熱○到○十○二○分○來○求○學○的○女○子○天○天○的○接○踵○而○來○這○初○次○破○天○荒○的○事○兒○能○收○此○美○滿○效○果○就○也○算○是○白○鶴○縣○有○幸○福○了○這○且○按○下○不○表○

再○說○上○文○說○的○那○王○雪○樓○看○官○諸○君○你○道○這○個○人○是○誰○呢○呀○在○下○至○此○竟○不○忍○寫○下○去○這○就○是○此○堂○中○主○任○翁○的○一○個○命○中○纏○魔○星○他○是○個○東○瀛○的○留○學○生○這○個○留○學○生○却○與○別○個○不○同○若○論○他○的○才○貌○是○學○富○五○車○貌○比○衛○玠○襟○懷○磊○落○名○士○風○流○平○日○眼○光○是○狠○大○的○他○常○言○道○天○下○沒○得○個○真○情○的○女○子○那○紅○樓○閨○閣○就○懷○着○一○股○驕○傲○之○氣○倚○着○父○兄○的○榮○貴○把○天○下○騷○人○墨○士○就○視○得○如○弁○髦○一○般○偶○然○解○得○幾○個○字○讀○得○幾○部○書○就○要○模○仿○那○千○古○美○人○的○態○度○來○對○月○長○吁○臨○風○短○歎○到○以○後○不○是○鑽○穴○相○會○就○是○踰○牆○定○情○漸○漸○的○那○醜○穢○名○聲○傳○播○出○去○弄○得○沒○個○好○結○果○那○小○家○碧○玉○或○有○一○二○好

可憐

國

的。又。之。家。庭。教。育。亦。終。不。免。爲。登。徒。子。所。誘。引。至。於。說。到。現。在。女。學。生。身。上。那。就。更。該。死。胸。中。懷。着。點。皮。毛。科。學。就。把。世。界。上。最。寶。貴。的。情。字。看。低。了。下。去。只。曉。得。什。麼。男。女。平。權。婚。姻。自。由。的。話。鬧。個。不。休。一。縷。情。絲。隨。風。飄。蕩。甚。至。還。有。晚。間。到。馬。路。上。去。充。作。野。雞。打。打。客。人。他。以。爲。樂。利。雙。收。把。平。時。校。中。所。受。的。教。育。都。忘。了。你。說。可。成。話。嗎。他。抱。着。這。個。想。頭。故。那。兒。女。情。就。不。肯。濫。用。自。從。那。日。遇。着。閨。隱。之。後。把。以。前。的。理。想。都。聽。到。汪。洋。大。海。裏。去。了。頓。覺。世。界。女。子。竟。是。不。能。一。概。而。論。怎。麼。他。就。孤。芳。自。賞。呢。想。到。這。裏。那。腦。筋。內。卽。現。出。總。總。的。幻。覺。來。一。時。這。心。就。如。劣。馬。奔。騰。樣。兒。跳。個。不。定。要。想。去。按。住。他。終。覺。不。能。那。邊。的。理。想。亦。就。如。道。邊。成。了。個。正。比。例。兩。地。裏。各。起。了。個。愛。慕。心。無。奈。一。個。是。羅。敷。有。夫。一。個。是。使。君。有。婦。彼。此。既。不。能。發。這。愛。情。於。言。表。又。不。能。洩。這。心。事。於。筆。墨。一。腔。抑。鬱。兩。地。相。思。倘。每。遇。着。一。面。又。要。各。表。出。那。正。氣。的。樣。兒。來。你。也。不。知。我。是。個。什。麼。意。思。我。也。不。知。你。是。個。什。麼。情。懷。不。過。諱。得。三。言。兩。語。就。要。分。手。走。了。故。後。來。竟。弄。成。如。紅。樓。中。寶。黛。的。結。果。一。般。這。是。後。話。不。要。去。說。他。

自。這。學。校。開。辦。以。來。光。陰。似。水。歲。月。催。人。忽。忽。的。已。過。了。一。月。那。時。恰。是。杏。花。天。裏。離。寒。食。節。不。遠。了。一。天。早。晨。秀。儀。夫。人。正。在。房。內。看。那。些。女。生。的。工。課。忽。見。閨。隱。笑。着。走。了。進。來。道。姊。姊。好。勤。呀。這。

麼絕早的就在這裏理課了。無怪外間人言姊妹熱心。這麼看來真是名不虛傳。我在上海多年也
沒見過似姊妹這樣勤的老師。夫人聽畢笑答道：你不要過獎。這是我們應盡的天職。也不算一回。
什麼事。我到要問你。今日這麼早跑到敝齋來。必有緣故。請語我無妨。因隱欲言欲止者。再曰：明日
是寒食節了。要想託姊妹到校長前代請幾天假。去到先夫坟上哭。……言到這裏那聲音就低了。
下去。那眼眶就紅了出來。那時夫人看着他這個樣兒。就也替他淒楚起來。言道：好妹子。你不必傷
心。等歇管你去好了。校長跟前我自會說的。因隱聽着這句話。道：多謝姊妹憐愛。薄命人謹感五中。
言畢退了出來。到自己房裏將一切東西檢點好。然後扇了房門。命人雇了乘轎子。飛也似的去了。
明日天晦。路上行人跡稀。空山杜鵑聲急。惟有故城地方。遊人仍是絡繹不絕。於道。這是什麼道理。
呢。看官諸君。不曉得這個地方。是白鶴縣東鄉一個最名勝之地。那上面有樓台水閣。曲檻彫欄。下
面有楊柳千條。桃花萬樹。真是一幅絕妙的武陵春色圖。其間有一人憑欄自語曰：時已不早。盍歸
歟。於是捷足而行。不到三里之遙。忽聞得一種極淒慘的哀聲。出自左邊一帶樹林中。這個人就狠
覺驚訝。即躡步走到那裏去。一聽似是一個孀居哭夫的聲氣。再仔細一聽。又並不是哭什麼天呀。
地呀。原來是在那裏悲切切的念詩。聽他念的是。

惻○惻○哀○哀○生○死○懸○心○傷○腸○斷○杏○花○天○哭○君○縱○有○千○行○淚○一○點○難○流○到○九○泉○
自○憐○薄○命○似○文○君○別○鵲○離○鸞○不○忍○聞○無○奈○年○年○寒○食○節○一○杯○麥○飯○奠○新○墳○
雲○犀○一○點○苦○於○茹○繞○膝○無○兒○悲○獨○居○薄○命○世○間○留○德○燼○伯○鸞○地○下○痛○何○如○
浮○生○若○夢○儂○耶○真○寂○寂○光○陰○淡○淡○春○生○不○同○表○死○同○穴○何○時○重○見○塚○中○人○

那○個○人○聽○畢○忽○低○聲○言○道○呀○奇○怪○！○這○個○聲○音○熟○得○狠○嗎○怎○麼○竟○想○不○出○是○誰○來○呢○莫○不○是○我○那○意○
中○人○麼○何○妨○去○看○看○復○一○想○道○不○好○這○桑○間○陌○上○男○女○究○有○點○瓜○李○之○嫌○然○心○中○是○這○麼○想○那○脚○下○
就○不○由○他○說○話○一○步○步○的○竟○將○近○逼○到○那○女○子○背○後○了○那○個○人○至○此○已○是○勢○成○騎○虎○欲○罷○不○能○的○光○
景○就○抖○着○胆○走○近○身○去○一○看○真○是○不○看○猶○可○這○一○看○又○分○教○是○

臘○炬○重○燒○淚○已○盡○

春○蠶○再○繭○恨○難○休○

（未完）

（不受酬）

叙言

吾友惜惜。越中知名士也。丰姿濯濯。極似張緒。當年人亦蘊藉和平。毫無城府。仕京居某要職。喜結納文人逸士。每與友人談議。批風評月。口角津津。願一遇粉白黛綠者。流即矜束。若處子絕口不道。情字有時爲勢所迫。虛而與之。委蛇然。自守極嚴。從未越雷池一步。人見惜惜。屢有奇遇。始終不爲情所迷。疑其曾經恨海風波。飽嘗辛苦。故能勒馬懸崖。不肯輕身一試。不知非也。蓋惜惜內助極賢。淑閨房之內。琴瑟雖離。海上三山。又有一神交之膩友。情天萬里。缺憾毫無。故此外縱有天仙化身。現種種色相。自惜惜視之一浮雲之過。太空耳觀於滄海。難爲水除却。巫山不是雲情。以專用而始真。若惜惜者。信人間之情種矣。余與惜惜交最久。夙知其底蘊。茲略述其在京所遇之歷史。介紹於讀者諸君之前。當可証明惜惜爲今世之奇男子。斷非好色登徒所能望其項背也。惜惜真姓氏例不能宣布。至所遇諸人。一一均用真名。草蛇灰線。曲折可尋。世有明眼人。或能按迹以求。恍然於惜惜究爲誰某也。

(一)

燕京花事消息靈通凡佳麗新自南方來各報例爲之鼓吹以發動耳目元年七月間都下喧傳有楚館者新樹轍石頭胡同長春班謂本一女學生不幸失足至此工愁善哭顧視清高市僧荒僧均不能得一垂盼吾友惜情既厭聞之然未注意也七夕爲兩友所勸偕作北里遊驅車至石頭胡同造門訪焉粥粥羣雌環進既訖顧獨無楚館其人者坐候片晌始見一白衣人寥廓而入雙眉掩月圓臉生霞高髻雲堆長身玉立一種秀麗幽閒狀態迥非青樓中人詢之始知卽楚館乃適應他客酒約回也惜情既見楚館心頭鹿撞志忑幾不能自持楚館視線亦專注惜情身上二友睹此狀乃推惜情起曰吾輩儉俗無福享受此美人君與君旣脈脈有情想三生石上早結精魂曷速定杵曰交耶惜情頗不願強之再始首肯乃移坐楚館室中二友皆諧談間作議論風生惜情獨與楚館細語喁喁詰其家世楚館慧眼早知情情爲多情人願二豪侍側不便暢言乃取筆書數語於寸紙上觀他人不注意時輕遞惜情手中惜情懷而藏之而二友未知也

惜情得此矜秘如獲珍寶不肯示人旣歸私於電燈下讀之其文曰

若非結緣在先何能一見如故儂固薄命卽必有情有萬縷愁絲非君莫解倘護花有意祈明晚十時獨臨寒軒以當細訴愁情諒有情者君必不以妾爲不可教也海倫字

惜○惜○讀○既○迄○覺○傾○佩○之○意○與○愛○慕○之○心○一○齊○灌○注○腦○海○楚○館○之○手○紙○雖○只○寥寥○數○言○覺○桃○潭○千○尺○不
能○抵○此○深○情○而○才○高○咏○絮○字○妙○簪○花○并○深○慕○歐○西○女○子○海○倫○之○名○以○示○慕○爾○其○識○見○之○高○尤○足○令○巾
幘○才○人○一○齊○頰○首○惜○惜○乃○喟○然○歎○曰○嗟○嗟○海○倫○何○相○見○之○晚○耶○設○相○逢○在○十○二○年○以○前○則○此○一○重○公
案○易○極○解○決○今○則○休○矣○還○君○明○珠○雙○淚○垂○恨○不○相○逢○未○嫁○時○此○詩○特○不○啻○爲○我○咏○也
次○夕○遵○楚○館○約○子○身○往○訪○惜○惜○此○往○知○非○爲○情○所○迷○蓋○欲○詳○探○楚○館○家○世○將○設○法○援○救○之○使○出○藩○籬
而○登○茵○席○也○晤○面○後○寒暄○既○訖○彼○此○追○問○生○平○惜○惜○告○以○家○浙○江○系○出○太○原○楚○館○聞○此○語○色○驟○沮○若
被○驚○電○所○觸○者○惜○惜○見○此○狀○疑○甚○窮○詰○其○故○楚○館○卒○不○肯○言○惜○惜○轉○詰○其○其○姓○氏○則○以○姓○張○名○漢○民
對○蓋○楚○館○家○本○吳○門○望○族○累○世○簪○纓○惟○家○支○不○繁○家○道○中○落○鬢○齡○時○先○後○失○估○恃○依○舅○氏○居○不○幸○舅
氏○於○一○年○後○病○歿○孳○孳○無○依○遂○爲○鄰○人○所○誘○賣○墮○入○上○海○煙○花○隊○中○時○纔○十○二○歲○耳○楚○館○素○沉○默○性
善○哭○淪○落○至○此○益○觸○景○生○悲○紅○燈○綠○酒○之○場○往○往○涕○流○如○經○龜○搗○又○時○時○虐○待○遍○體○鱗○傷○蓋○天○下○無
告○之○窮○人○莫○楚○館○若○矣○年○十○六○遇○杭○州○某○公○子○一○見○心○傾○某○亦○憐○其○真○靜○沈○淪○爲○之○脫○籍○惟○某○氏○家
規○至○嚴○不○敢○公○然○納○爲○選○室○乃○暫○寓○楚○館○於○海○上○子○身○返○浙○冀○先○請○命○於○嚴○慈○後○乃○挈○之○返○楚○館○雖
將○信○將○疑○然○自○忖○某○公○子○情○逾○膠○漆○山○海○會○盟○此○行○當○不○至○誑○我○詎○料○王○郎○一○去○雁○杳○魚○沈○擲○遍○金

錢○違○人○不○返○不○得○已○乃○親○往○武○林○偵○聽○延○至○一○月○之○久○始○得○某○公○子○手○書○謂○家○庭○專○制○行○動○不○能○自○由○彼○此○情○緣○勢○難○復○締○前○途○珍○重○囑○善○自○為○謀○楚○而○得○此○書○知○已○絕○望○乃○痛○哭○返○滬○自○傷○薄○命○紅○顏○生○不○如○死○一○條○鬢○帶○遂○擬○了○却○塵○緣○經○旁○人○勸○阻○再○四○始○止○嗣○有○女○友○數○人○憐○渠○境○遇○乃○集○資○送○入○某○某○女○校○肄○業○朝○弦○夕○誦○孟○晉○過○人○歐○文○詰○屈○科○學○艱○深○而○舌○妙○心○靈○無○不○頭○頭○是○道○光○陰○迅○矢○瞬○息○三○年○昔○時○資○助○之○人○風○流○雲○散○學○費○既○已○斷○絕○勢○不○得○不○離○校○他○適○乃○借○居○芝○罟○路○某○氏○處○牆○卑○屋○淺○漏○洩○春○光○一○般○浪○蝶○狂○蜂○時○時○窺○覷○且○寄○人○籬○下○不○能○不○作○仰○面○梅○花○自○由○幸○福○幾○於○剝○脫○殆○盡○鎮○日○除○以○淚○珠○洗○面○外○幾○無○絲○毫○歡○趣○後○有○人○欲○以○強○硬○手○段○串○同○某○氏○劫○楚○為○妾○楚○探○知○其○事○遂○深○夜○同○侍○婢○某○者○潛○赴○京○都○先○是○楚○有○契○客○某○供○職○京○曹○楚○來○京○擬○乞○援○手○冀○再○入○學○校○以○竟○所○業○詎○楚○館○北○來○某○已○南○下○望○門○投○止○寄○宿○無○人○孤○苦○伶○仃○進○退○維○谷○此○種○凄○苦○情○形○雖○木○石○心○腸○見○之○亦○當○酸○鼻○飢○來○馱○我○不○得○不○再○落○風○塵○楚○館○叙○至○此○已○嗚○咽○不○能○成○聲○直○欲○放○聲○一○慟○惜○惜○聞○此○亦○為○之○濕○透○青○衫○一○對○璧○人○幾○變○為○一○對○淚○人○矣○

惜○惜○既○悉○其○歷○史○形○迹○自○是○日○親○每○逢○休○沐○日○輒○命○駕○訪○既○至○非○縱○談○時○局○即○相○對○無○言○漢○民○素○喜○讀○紅○樓○夢○常○以○黛○玉○自○命○一○讀○黛○玉○傷○心○事○輒○為○之○流○涕○故○粧○台○上○紅○樓○夢○一○書○幾○為○漢○民○之○情○淚○

所濕透。惜惜常語。楚館曰：汝爲黛玉。惜我不能爲怡紅公子。奈何。楚館問此語作何解。惜惜曰：汝日後自知之。吾此詩亦不願向汝明言也。

惜惜旅京。雖一載於情場。風月但視之淡然。此非惜惜無情也。人非木石。孰能無情。惟情之所鍾。能專一。乃爲可寶貴。惜惜夙號情種。如楚館之才。色且待遇。惜惜如此纏綿懇摯。竟不能動惜惜之愛情。則知惜惜愛情之全部分。已施於彼。所專愛之一二人。更無第三人。足以撞入堅城中。掠奪其一部分之情。而去。則惜惜對於楚館。其不願用情。實有不能用情之原因在。然其無情。正是以真情待楚館也。

半月以後。惜惜與楚館交益密。深憐痛惜。形影相依。旁人不知。個中底蘊。者必謂惜惜將與楚館結不解緣。向日素所寶貴。不肯浪用之情。已爲楚館魔力吸收盡矣。然即惜惜亦自覺楚館用情太熱。設長此以往。不表明己之心事。匪特無以釋旁觀者之疑。且恐楚館悞入情網之中。日後益難解脫。乃從容語楚館曰：爾我相知已成。莫逆。惟我肺腑中有至誠實之一言。不能不奉告。想卿冰雪聰明。必能見諒。我自見卿以後。覺卿之清才麗質。實足令余敬之愛之。更無幾微不滿意處。况承卿以青眼相待。愛我之深。實較他人有霄壤之別。余非草木。詎不知感。第蒼蒼在上。予實別有隱衷。今余非

不。愛。卿。實。有。不。願。并。不。能。愛。卿。之。勢。此。心。只。有。空。王。諒。難。向。如。花。說。得。明。卿。爲。解。語。花。當。能。明。我。心。耳。楚。館。聞。斯。言。淚。盈。盈。欲。墮。惜。惜。又。繼。續。言。曰。男。女。愛。情。分。兩。類。有。儀。式。上。之。愛。情。有。精。神。上。之。愛。情。一。夫。一。婦。伉。儷。和。諧。儀。式。上。之。愛。情。也。男。女。間。發。於。情。而。止。於。禮。千。里。一。方。兩。心。相。印。精。神。上。之。愛。情。也。然。無。論。何。類。愛。情。可。一。不。可。分。可。專。不。可。泛。雖。情。係。一。無。邊。無。際。之。物。可。以。遍。及。萬。類。第。用。情。太。廣。直。謂。之。無。情。自。古。英。雄。兒。女。當。其。用。情。之。始。必。慎。之。又。慎。不。肯。妄。施。及。其。尊。貴。之。愛。情。有。所。專。注。則。自。始。至。終。具。唯。一。之。堅。心。雖。迭。經。患。難。生。死。之。交。終。不。能。奪。其。所。愛。予。雖。不。能。效。古。人。之。所。爲。然。仰。託。上。天。庇。佑。於。儀。式。上。及。精。神。上。之。愛。情。均。已。各。有。專。注。之。處。故。我。雖。憐。卿。惜。卿。敬。卿。親。卿。然。終。不。能。奪。我。之。素。志。分。我。之。愛。情。再。施。於。卿。之。身。我。之。言。此。固。爲。卿。所。不。樂。聞。特。我。既。含。此。苦。衷。若。不。及。早。明。言。日。復。一。日。惘。恍。迷。離。陷。卿。於。湛。湛。情。海。之。中。一。沈。不。起。則。我。誤。卿。之。罪。更。大。矣。惜。惜。言。至。此。見。楚。館。已。哭。同。淚。人。兒。一。樣。乃。代。拭。其。淚。曰。卿。勿。悲。卿。須。知。我。乃。一。正。直。誠。篤。之。人。故。不。忍。欺。卿。誑。卿。予。雖。不。能。愛。卿。苟。有。可。以。效。力。之。處。雖。赴。湯。蹈。火。亦。所。不。辭。以。爲。知。己。報。楚。館。歎。曰。天。乎。天。乎。四。郎。既。不。能。愛。我。又。何。必。使。四。郎。見。儂。之。面。耶。惜。惜。兄。弟。行。列。第。四。故。以。四。郎。呼。也。惜。惜。遂。再。三。勸。慰。至。楚。館。有。笑。容。始。握。手。而。別。

(不受酬)

(未完)

小俠情 香草美人

(五續)

(小蝶)

海娜衣白絹之衣。霧縠練地。鱗鱗之。加以寶石之圈。縉墮馬鬃。綴以明珠。璀璨與衣上寶石互爲輝映。儼然如天人降凡。既至。則向式本奇鞠躬曰。阿父召我何爲。式本奇愀然。備告以故。且曰。兒可自與若儕理論。予力已盡。不能更翼汝矣。當式本奇與海娜語時。衆咸大怒。而妄者且復狂言。以爲吾訥也。特安樂之村。爲汝妖星所照。乃至燬血。今猶熠熠吐其光芒。禍水豈未艾耶。此語初實出自細伯來亞使者之口。藉以撩衆人之怒者。將使自行破壞。而此蠢蠢者流。果爲所動。遂咸曰。海娜爲妖星。短矛如螭。羣自塔下飛起。以擲海娜。願廣場去。廳甚遠。亦弗能及。然海娜英抗之氣。殊弗因是而怯。卽徐步至塔台之上。朗然言曰。衆父老。聽我。我今不啻以子然之身。在我衆父老之前。聽裁判。矣。然是非曲直。自有公論。今乃事理未明。遽欲死我。此何謂欺言。時卽俯身拾一短矛。高舉言曰。衆父老。豈以爲此區區一短矛者。遂可了堡中大事耶。父老之意。以爲。由我肇故。欲死我。卽可令細伯來亞人。裹甲而退。殊不知彼軍之來。實挾無限之奢望。初未嘗因我而起。父老果死。我者則彼輩失望。轉以決心爲仇。忿力攻。吾堡豈其有豸。此時衆聲已少。寂故海娜之語。衆咸聞之。則爭呼曰。女公子。聽我。吾儕安敢死女公子者。衆語未畢。海娜卽驛言曰。然則衆父老果召我何爲。●●●

言至此乃展輔而笑以手理其衣上佩璫態度愈類天人衆見海娜天生莊肅出語亦復錚錚亦已私心屈服蓋訥也特人咸以勇敢爲天性初未嘗肯乞憐於人今忽倡議欲將村中之女郎獻之敵人以彌覺柵其初蓋惑於諫今忽特遭此嚴詰則不禁大慚乃盡默然不語海娜見衆喧陡寂知意已動乃復乘機言曰我訥也特村中之父老聽之當吾父召我時似聞有人告我謂將獻我於敵以求和好然我固未嘗信此僞言蓋以我訥也特村乃爲有名之獅國雖三歲孺子亦知荷戈殺敵恥言和戎矧細伯來亞乃爲我族之國仇方今皇帝蒙塵各處城堡盡已爲彼軍所覆滅父老不觀乎今彼軍中之執役者藉衣垢身形狀若鬼何莫非我土耳其種人而彼軍人笞之乃如笞狗或且以刀刃爲鞭策血潑潑下不之恤嗟乎父老彼細伯來亞人之待吾儕尙有人理也耶今吾土耳其人己如殘燭受風不久且熄然尙有一縷之希望能使我土耳其種復放莫大之光明於地球上者其唯我訥也特乎以我思之凡我父老當以國仇爲念弗聽彼謀使我祖國一旦淪滅吾人死苟有知又何顏對我歷世之祖宗於地下言至此乃少息修眉微豎一若不勝其憤怒者於是衆復大噪山谷爲震然其音浪乃與前次弗同此怒蓋怒仇也此時復有一最高之聲浪起自台塔之下直欲破空而飛曰衆父老無擾戰與守一言決耳衆視之乃士希爾也則衆口一聲咸曰戰戰戰士希爾曰

善有再言和者衆人戮之衆乃高舉其矛呼曰願如士希爾將軍言此時廣場之上聲勢大振頭上白羽翻飛大似麥田爲風所吹漪如疊浪而矛鋒上盡則又如密筍之被春雷也查革使者本在衆中願見局勢已變留必無俸乃起思遁願已爲士希爾所見呼曰彼細伯來亞之狗乃屬雜於獅羣中耶毋使之遁式本奇曰縱之可令歸告彼軍中之大狗謂周彼得大神渴甚行且喝若輩之血於是查革之使者狼狽而去衆乃以叱狗聲咻咻逐之

查革方獸坐帳中以待消息見使者歸卽曰若儕歸乎曰歸矣查革曰然則已將香草美人來乎又曰若輩奈何血潑潑下也使者惶恐言曰主臣臣辱命甚乃爲彼訥也特人所創查革曰然則香草美人來乎汝儕乃因奪美人而爲所創也耶使者大恐汗浹背下囁嚅告以始末查革大怒筋虬虬突膚而起目赤如燦炭遽躍起以足蹴使者曰咄汝狗汝乃辱我命慎之當以軍法處爾言已左右願令衛士曳出杖以軍棍不死且下獄使受苦虐願怒氣猶弗息必欲踏平村堡盡屠居民以報弗獻香草美人之仇乃以軍符飛召濕而非令其出軍攻堡弗勝無歸於是濕而非領兵而出此時訥也特堡上戈矛已布滿爲日光所照爛然作異彩射人眉睫其中一人持巨斧而立儼如天神者望而知爲士希爾也士希爾在堡上望見敵軍卽大呼曰衆視之彼軍來矣吾儕其待之耶言時排其

斧柄目灼灼四視衆壯士乃羣呼曰吾父吾安能待法當前撲士希爾曰善然則格來姆一軍先出言時果見右翼微動一隊黑衣之軍應聲而出巨盾護其身如龜之負殼但見無數短足疾趨而前齊乃如斬須臾已下堡出城堡上壯士乃大呼曰祝君輩弗生還吾見汝儕死疆場樂也於是格來姆軍亦齊聲而應聲至慘厲日色爲薄兩軍既接但見塵沙四起弗復更辨人影已而呼聲大起持盾之軍咸紛紛向後而退遙見一壯士跨馬運椎燧如遊龍馬首所瞻而人跡爲空士希爾乃大呼曰勇哉濕而非數月弗見英勇乃如昨乃揮巨斧率衆下堡衆皆舉矛而前忽有三數持盾軍士飛奔而歸士希爾叱之曰止各敗歸耶曰然曰誰令汝歸者若儕出時已祝汝輩弗生還於是揮斧斫之且出令曰有退者似之衆乃大呼曰吾父吾儕死樂也士希爾喜揮衆前進厥勢乃如疾風偃草

（未完）

小說情 蘸著些三兒麻上來

(四續)

(雙熱)

凡兒女之愛情過蜜轉因細故而失魚水之和心與心相疑口與口相較朝反唇而暮又相昵愛之熱度乃展轉而增高如紅樓夢中之寶哥哥林妹妹是也而夢郎與阿萱亦復如是初恨會少離多勞燕分飛而相思殊苦久別重逢之日歡愛輒逾常度今也終年厮守寸步不離於是鬪角鈎心漸宜愛力之戰不復相敬如賓矣夢郎嘗作奇語曰夫婦而相敬如賓者是禮勝於愛情出於矯也阿萱嗤以鼻曰然則切芳夫婦之相仇如敵讐可謂之無上之愛耶夢郎曰是又不然萱常問夢郎君客姑蘇臺上時來書輒曰「得一女友」誰家女郎與君爲友晴男女相友不稂不莠夢郎曰道學哉卿也方今世界開通男女之間嫌混瓜李非必以情愛相交亦得以文才相結識爲學友爲談友禮相持而不及於愛及於愛終不及於亂也予所得之女友學友也談友也幸汝毋介於懷也夢郎之女友果阿誰阿萱數以問夢郎輒笑而不答一日夢郎偶作姑蘇之行時阿父之喪已服闋矣而菊郎方遊幕於吳縣某令之門竟挈眷屬僦屋而家焉胎花從夫而忘其母一去頻年僅一歸省顧阿母念女兒甚今乃遣夢郎往問訊耳夢郎入吳之第三日阿萱得一封書非夢郎書也乃某女郎致夢郎者署名曰題紅女史字裏行間大有令萱娘難堪者書曰

阿○夢○阿○夢○汝○太○薄○倖○哉○別○數○年○矣○儂○身○自○珍○如○玉○猶○為○君○守○也○君○來○書○歲○不○過○一○二○次○雖○滿○口○說○相○思○之○苦○何○絕○無○一○語○重○申○往○日○之○盟○而○書○中○必○叮○嚀○囑○儂○曰○「○勿○以○書○報○不○幸○而○漏○洩○春○光○事○不○諧○矣○」○如○是○云○云○儂○聞○之○熱○矣○思○之○重○思○之○君○之○言○殆○詐○也○年○來○薄○倖○之○郎○必○別○有○意○中○人○在○儂○自○恨○目○盲○草○草○委○身○鑄○成○大○錯○好○事○已○非○痴○心○如○昨○為○郎○憔悴○於○茲○三○年○迴○首○當○年○携○手○留○園○招○衆○目○之○妬○某○日○者○同○登○虎○阜○夕○陽○雙○影○為○好○事○者○攝○入○鏡○中○人○固○以○比○肩○人○豔○稱○爾○我○矣○夢○郎○夢○郎○汝○其○忘○之○耶○今○將○焉○置○儂○者○嗟○乎○阿○儂○到○此○芳○心○碎○無○那○傳○君○尺○素○書○君○果○負○心○到○底○者○則○曩○日○之○事○當○一○掃○而○空○如○煙○銷○雲○散○勿○留○些○子○愛○情○之○渣○滓○為○儂○名○譽○上○之○污○點○也○儂○之○詩○若○干○首○書○若○干○封○愛○情○之○紀○念○物○如○儂○之○影○儂○之○約○指○須○一○一○見○還○也○書○不○盡○言○專○待○來○命

阿○萱○閱○此○書○胸○次○忽○若○沃○冰○積○雪○手○足○生○寒○而○口○而○鼻○而○湛○若○秋○波○之○眼○如○蘸○著○黃○梅○之○汁○一○味○含○酸○纖○纖○玉○葱○麻○木○而○顛○廢○書○而○起○身○如○負○重○足○軟○於○棉○俯○首○撫○鴛○鴦○之○枕○廢○然○而○臥○淚○花○如○雨○洗○其○慘○澹○之○面○念○個○郎○情○不○能○專○愛○乃○易○奪○今○日○棄○彼○女○郎○他○日○不○且○棄○儂○哉○夢○郎○夢○郎○汝○固○自○負○為○情○種○者○汝○不○嘗○力○關○一○夫○多○妻○之○謬○乎○而○何○以○口○非○而○心○越○之○有○所○謂○女○友○乎○安○知○題○紅○而○外○不○更○有○第○二○女○友○乎○嗟○乎○濫○用○愛○情○漫○無○歸○宿○是○輕○薄○兒○之○行○勁○也○夢○郎○夢○郎○汝○殆○怡○紅○公○子○後○身○耳○儂○常

試郎曰彼女友當念郎甚郎亦念之否郎輒掩儂之口愠然而變色以爲阿儂不知郎心乃妄以貳情疑郎也今竟何如者題紅之書胡爲乎來哉題紅書來阿萱不可堪矣而就意越一日夢郎之又一女友曰秋梧者一紙情書恰恰與題紅不期而遇飛到萱娘粧閣矣其書甚長摘錄其旖旎動人之語如左

●●●秋梧固題紅之女友也君樂得題紅而友之君亦知見而歎羨者有葉底春蠶之秋梧乎君不識秋梧秋梧則從題紅案頭省識個郎人面久矣●●●秋梧拙於咏絮性却耽吟願得君而師事之庶秋月春花不至等閒度也●●●君果多情必不厚於題紅而薄於秋梧也●●●姑蘇臺上春光好之子不來花事閒●●●

此一封書入於阿萱之目其悲酸之狀著者劇憐之不忍爲閱者諸君告矣其明日夢郎歸矣含笑入閨而細君方獨臥梅花帳底側躬內向竟不回過臉兒來夢郎點首憨笑扶之曰起起別來無恙耶萱以手掬面咽淚有聲良久乃答曰不勞存問可捨舊人往迎新特左題紅右秋梧床儂之床室儂之室●夢郎笑而吻其手曰卿言云何沒來由甚萱一聲冷笑曰沒來由●女友之情書●而題紅而秋梧多多益善哉夢郎笑不可仰曰卿能妬卿之愛我乎所謂女友女友者誑汝耳題紅

爾若登見麻上來

四

若秋梧之書予屬草而情胎花姊姊書之聊以戲卿耳卿如不信予爲汝背誦書中語萱曰誦之夢果誦之從頭至尾固隻字不訛也夢郎又曰題紅書中添注三字塗改五字然否秋梧書中字之塗改者三然否斯時阿萱已下床試於鏡奩中出二書細勘之果如夢郎言跡其字則二書固出一人手一經道破果胎花手筆也萱於是破涕而笑戟指萱曰促狹兒亦算逢場作戲耶無端弄人欲死夢郎曰雖然予客吳中時誠得一二女友其小影猶珍藏於行篋中也萱曰盍以示我夢郎曰卿見之幸毋妬阿萱微笑夢郎乃取以示萱小小影片中雙麗人携手並立而裙下雙鈎都爲芳草所蔽審其貌咸巧笑而美盼雙頭相並口喁喁若商量好事者夢郎指點而笑曰左題紅右秋梧也阿萱凝視久之忽握溫軟之拳微搯夢郎之肩曰郎又欺儂矣是非郎與菊郎之喬粧耶堂堂鬚眉乃效巾幗毋乃羞乎輕薄兒得之或且認假爲真吻此畫中愛寵也夢郎曰遮莫卿卿是男子必對此喬粧雙影顛倒不自持也夢郎又曰是亦二喬也阿儂與菊郎孰美阿萱曰菊郎爲大喬君爲小喬小喬饒天仙化人儂人調戲之態予甚愛之旣而曰盍持此往示阿姑阿母老人目鈍或不能窺破廬山真面也夢郎曰善因偕往兩姐果皆被欺則相與品評肥瘦曰個女郎身太苗條個女郎容不莊重個女郎秋波太媚個女郎眉山軒軒巾幗有鬚眉之氣於是夢郎阿萱掩口笑於旁旋以喬粧

告二媼二媼復持影諦視則所謂個女郎秋波太媚者夢郎也個女郎眉山軒軒巾幘有鬚眉之氣者菊郎也則各失聲而笑

夢郎之賞鑑美人也有以異於人者眉不喜畫而不喜抹朱傅白衣不喜濃豔而喜淡素謂天然眉黛畫之轉失其媚美人之面自有異彩若借脂以紅借粉以白是泥美人耳至於裝束宜淡雅如梅花姹紫嫣紅皆足污美人色相者也阿萱自適夢郎後於是自頂至踵裝束悉主裁於夫婿阿萱生小喜衣絳嫁後仍衣之夢郎欲以雪衣易之阿萱不從焉然阿萱衣絳更饒斌媚則夢郎所謂詫紫嫣紅足污美人色相者乃一偏之見非確論也一日夢郎之戚某氏有老人慶於堂阿萱隨胡媼往審焉是日阿萱特地僂粧豔裏黛其柳葉之眉脂且粉其桃花之面非欲冶容也蓋其姑胡媼命之曰入喜慶之家不宜作淡妝素服須知俗尙誇張人競華侈裙布荆布不足以示儉徒足令人踐視耳且阿萱每顧影自喜今日出門著意修飾殆欲與粥粥羣雌向鬢影花光中大家國麗看阿誰爲第一人也時夢郎已先阿萱往有頃阿萱至見者皆竊竊指點曰誰家女郎美而豔或且偷目視夢郎而笑夢郎殊不喜繼且大愠見個郎目眈眈個郎目灼灼夢郎皆以爲看阿萱也則竟怒人以目甚亦怒萱以目且頻頻促之歸萱既歸夢郎亦忽忽言旋遽問萱曰今日胡忽冶妝如是豈以資人

飽看爲樂耶。萱曰：君言謬哉！人看儂，豈便攝儂影去耶？人有目，看儂儂非木雕泥塑者，君豈不知避耶？且君不嘗曰：方今世界開通，男女混瓜李之嫌乎？今君乃於儂之面，人之目間，恨不設障以隔焉。甚矣君之開通也。至儂今日作此裝束者，承阿姑之命，非悅已而冶容也。夢郎窘於詞，不能審理，理奴雪妹時，適繞人而鳴，蓋啼飢也。夢郎竟遷怒及之，賜之以足，幸未中雪妹，知機脫然而遁矣。阿萱泣曰：怒雪妹，不啻怒儂也。儂何過，儂何過？夢郎怒方盛，則負氣登牀而臥。是夜阿萱往就阿母宿，且以委屈訴其姑胡媪，乃呼夢郎而責之。夢郎怒平，早悔孟浪矣。詰朝乃請阿母爲和事，老母乃挈夢郎就萱，向荆人負荆鞠躬如也。阿萱撲嗤一笑，遂爲夫婦如初。

阿萱殊好潔，衣必自浣，澀食必自烹飪。閨中一席地，必自洒掃，而雙趺緊束，殊不良於行。夢郎見其蹀躞蹀躞，步步可憐，輒嘵嘵，舌止阿萱勿操作，謂有婢媪在何勞，身親之哉。阿萱不聽，夢郎思有以分其勞，於是萱浣衣則觀其浣，衣萱治食則觀其治食。萱曰：何一跬步不離耶？夢郎笑曰：予欲習洗濯烹飪之術，可以代卿之勞也。萱曰：羞！羞！此豈男子事耶？被人笑煞矣。夢郎大慚，乃不復蓄此瑣屑之志。然閨闈之內，每向阿萱爭，盡奪帶而洒掃焉。阿萱嘗曰：姑試之，苟不稱職者，罰汝長立於閨門之外。夢郎畢竟書生，舍咀墨噉文，絕無他用，擁篲雖細，事竟不能刮垢磨光，俾四邊淨焉。阿萱

曰。何。如。君。縱。欲。分。我。之。勞。不。可。能。也。幸。爲。儂。弄。兒。或。抱。雪。妹。一。臂。之。助。其。在。斯。乎。夢。郎。曰。諾。阿。萱。好。動。終。日。操。勞。入。夜。乃。有。倦。容。持。踵。曰。痛。扶。腰。曰。酸。夢。郎。則。亦。持。之。扶。之。作。入。情。之。體。爰。有。時。或。負。氣。不。之。顧。曰。誰。教。汝。身。親。瑣。事。徒。自。苦。耳。予。數。言。之。矣。汝。乃。逆。耳。而。不。納。夜。乃。以。倦。態。向。人。要。郎。憐。惜。耶。萱。曰。君。不。憐。儂。之。憊。乃。相。責。乎。夢。曰。予。欲。汝。息。力。積。勞。正。所。以。憐。惜。汝。也。汝。聞。予。語。輒。如。風。過。耳。邊。予。實。怒。汝。矣。著。者。曰。渠。等。愛。情。太。膩。轉。難。爲。言。一。言。之。爭。往。往。生。氣。覓。惱。尋。愁。勢。將。反。目。然。倏。忽。之。間。又。爾。笑。無。猜。矣。

（未完）

敬告抄襲家

年來小說發達著作家日多抄襲家亦於是乎大多本社每承此等人物惠顧或抄古人之作易署己名或竊朋友之文登門求賣最可恨者體面亦似文人而居心祇圖拐騙本社接得此種投稿後或棄之字麓去書詰責或先予揭登以公衆目更以抄襲家之真姓名住址通告遠近報界書界俾公認此輩爲著作界之盜賊永遠吐棄以免敗羣而保名譽其或編輯者耳目未周偶被瞞過一經閱者舉發除酬謝舉發者外處置抄襲家一如前法

本週刊第十期勘誤表

歡喜善慶

第一版

第四行

第十一字

歡誤為歡

又

第五版

第十二行

第三十二字

慶誤為寬

又

第六版

第一行

第十三字

慶誤為寬

又

又

第七行

第十二字

之誤為大

又

第十一版

第七行

第二十五字

且誤為且

又

又

第八行

第一字

慶誤為寬

又

第十四版

第三行

第二十六字

泊誤為箔

恐佈

第十七版

第十二行

第三十七字

準誤為正

又

又

第十三行

第七字

的誤為時

又

第十八版

第十一行

第十九字

是誤為時

雙淚落

第二十三版

第六行

第十九字

少誤為產

又

又

第十行

第十一二字

狂奴誤為戀豪

又

第二十六版

第二行

第三十三字

遠誤為遙

離恨天

又

第十一行

第十字

析誤為拆

又

第二十七版

第九行

第十五字

臨誤為凌

又

第二十八版

第一行

第二十六字

倩誤為精

又

又

第九行

第三十七字

關誤為敬

又

第二十九版

第十二行

第十四字

託誤為托

又

第三十版

第九行

第二十七字

班誤為斑

勘誤表

第十一期

錯誤表

又	又	又	又	又	又	又	又	又	又	又	又	又	又	又	又	又	又	又	又	又	又	又	又
蘇若些兒麻上來																							
第一版	第七版																						
第七行	第五行	第四行	第十三行	第十行	第九行	第十行	第十一行	第十行	第四行	第三行	第四行	第十一行	第二行	第十三行	第二行	第一行	第十二行	第十三行	第十二行	第十三行	第十二行	第十三行	第十二行
第二十六字	第十一字	第十六字	第十九字	第五字	第一字	第十六字	第一字	第三十七字	第二十七字	第二十八字	第二十七字	第二十三字	第八字	第二十三字	第三十三字	第二十七字	第八九字	第九十字	第五字	第九十字	第九十字	第九十字	第九十字
應誤為總	予誤為子	喜誤為著	瓦誤為發	果誤為因	果誤為因	忽誤為忽	權誤為翻	喜誤為著	相誤為調	情誤為消	海誤為寒	口誤為口	口誤為口	辭誤為壽	覺誤為竟	知誤為直	追誤為殆	玉人誤為愛妹	玩今誤為近要	士誤為士	士誤為士	士誤為士	士誤為士